



玉堂類稿卷第三

周文益公集



昭慶軍節度使致仕武功郡開國公食邑四千八百

戶食實封一千六百戶劉懋加食邑五百戶食實封

二百戶制十二月四日

門下周祀禮年共杖成于者氏漢儀薦獲致廟胙于太常春言

妃族之英久著里屋之譽厥有鴻霈於昭令猷具官劉懋温恭

秉彛冲約成性振彼碩女輔陰教於慈庭賢哉大夫保陽休于

暮齒一享安車之逸四膺惠術之施茲駕竹宮載修柴燎克裡

克祀徧方望之羣神如式如幾秩邦家之多祐申襄貴戚增衍

的是

本封於戲俾爾壽域荒土田於徐宅以侯耄老加勞賜於葵丘
欽承優異之恩永保康寧之福可

皇弟保康軍節度使權主奉益王祭祀天水郡開國
公食邑三千三百戶食實封一千戶屋中加食邑五
百戶食實封二百戶制十二月初四日

門下朕率親賢之衆展郊廟之容受命咸宜禧已承于十乘在
宗載考露方湛于諸侯令以時行恩繇貴始具官居中姿凝豐
裕性迪謙和大雅不群如高帝之孫子成人有德若文王之本
支茲習歲祥是稱冬祀亦有高廩固報豐年之功豈無它人孰
如同姓之助繫蕭雖之罔忘在褒表以疇先肆即舊封載荒新
邑於戲禮儀卒度繁其唐棣之幸福祿未崇異設角弓之怨勉
旃信厚對越光靈可

懷遠軍節度琳州管内觀察處置等使金紫光祿大
夫檢校司徒使持節琳州諸軍事琳州刺史兼御史
大夫上柱國闍婆國王食邑一萬一千九百戶食實
封四千八百戶悉里地茶蘭固野加食邑五百戶食
實封二百戶制十二月四日

門下王者參天二地一視同仁故鞮鞻名官聲樂並施於祭祀

而明堂定位，蠻夷分列于東南，豈伊度賜之行，曾是華離之異，具官悉里地茶蘭，固野忠純，傳世慈惠，撫封奉戒，王明雖隔，鯨波之遠，以其航海擊伊空擊，自通象譯之重，屬陽陞之稱，禮為嘉師，而介福配天，其澤罔敢失荷，帝鑒之博臨，率土之瀆，莫非臣宜，海隅之遐暨，寵加國邑，榮對神釐，於戲，久無烈風，汝諒占於予祀，丕冒出日，台深眷於爾邦，往祗綸綍之言，永賁安荒之福，可

淳熙四年

安南國王李天祐男龍幹，詔封制三月十三日

門下朕寅威，室命奄旬，嘉師無怠，無荒深暨，謹南之教，曰同曰

覲丕嘉拱，北之星迺眷一邦，茲傳七世，飭宣典冊，播告臣工，故推誠順化，崇義懷忠，保信嚮德，安遠承和，秉禮歸仁，協恭勵節，繼美遵度，履正彰善，資治守謙，功臣特進，檢校太師靜海軍節度觀察處置等使兼御史大夫上柱國安南國王食邑二萬戶，食實封七千八百戶，贈侍中李天祐男龍幹，流慶有源，受材孔裕，雖尚居于幼穉，已知維于踐修，繫乃先王風範，令問昨土，分茅之久，彌四十年，梯出航海之輪，踰數千里，克知厥若，日篤不忘，茲永慨于遺章，爰首褒于愛嗣，旌節按定陵之制，官儀聯漢相之班，即樂國以肇封，既從世襲，極真王而錫命，何待次升，加

土田被之功號雖纂服之惟舊在殿邦而則新允續前徽尚綏
後福於戲連爾尹茲東夏古尤重於象賢惟汝居國南鄉今勿
忘于來享俾周無斁日商是常豈惟予一人以寧亦保爾黎民
之利可特受靜海軍節度觀察處置等使特進檢校太尉兼御
史大夫上柱國特封安南國王食邑三千戶食實封一千戶仍
賜推誠順化功臣

皇子愷除荆南集慶軍節度使行江陵尹加食邑實
封制四月五日

門下四牡入覲旂章載錫于諸侯三公出封服車皆降于九命

茲謂周家之忠厚實壯文王之本夫春言愛子之賢來報名藩

之政鎮是稽古誼爰詔所庭皇子雄武保寧軍節度使開府儀同

三司判明州軍州事兼管内勸農使兼沿海制置使魏王食邑

九千戶食實封三千六百戶愷志節安和德猷粹穆淑身謹行

居有令名保國又民動無過舉自再分于銅武嘗屢下於璽書

念夫表海之勞遂乃朝宗之願三雍奉對固深留即之恩二陝

分疆莫過懋棠之請宜敷帝祉以答請昨謠惟庶正之隆名乃承

平之異數昔優褒於子弟今率用于典常載披輿地之圖雙換

齋壇之節民瞻爾赫荆州還府號之新慶積家餘毫祉契正封

爰

之舊予之多邑豐厥實輸誕頌典冊之華諒集旄倪之志於戲
班高尹日夙嘉春見之朝賞候景風庸對夏時之諺惟制節謹
度則貴可以長守惟以公減私則民其允懷歸寧爾邦與聽朕
教可特授荆南集慶軍節度使依前開府儀同三司行江陵尹
判明州軍州事兼管内勸農使兼沿海制置使魏王加食邑一
千戶食實封四百戶

玉堂類稿卷第三

賜臣僚請免詔一

乾道六年

賜顯謨閣直學士左朝議大夫知潭州沈介乞守本

官職致仕不允詔七月二十四日

卿以剛毅之資通明之畧鎮臨一道威望隱然當今謀帥未有
能越卿者也胡為隱疾遂至為臣年至耶力不足耶卿何詞之
切去之果也夫卑濕重脰江南之常獨長沙乎其思番精神宣
底滯靖共介福何恙不已爾庸旣茂方且圖之所請宜不允

賜端明殿學士左中奉大夫知平江府汪應辰乞除

一宮觀差遣不允詔八月七月

朕宵旰圖治所賴以宣布德澤者賢良二千石是望既延見訪問以精擇于初又增秩賜金以久任于後允以為民也如卿豈弟忠信侍朕有年德意志慮宜知之矣出臨吳會曾未數月民隱甫恤吏姦甫戢上書未去其義安在夫守方賢而遽易固非朕指政垂成而輟棄卿亦奚取乎哉姑安厥官尉彼黎庶

賜敦文閣直學士降授左朝請大夫鼎公武辭免知揚州恩命乞除在外宮觀不允詔八月七日

卿昔任言責廣朕聰明旋陟民曹參予侍從瀟灑鎮益又訖外庸萬里召歸固當番自近會江都擇牧思得卻轂詩書之帥羊祐威信之守茲為重寄今以付卿謂宜疾驅以寬憂顧數上祠請非予所知

賜右朝議大夫曾懷辭免除龍圖閣學士知婺州恩命乞一宮觀差遣不允詔八月二十二日

久勞暫逸者臣子之至情入從出藩者朝廷之異數既進退之無愧宜息榮之有加卿自真周行即司邦計深_邦變通之術兼明取予之方六年于茲多績用懋曳履正資于獻納需頭屢丐於退閑冠西清嚴近之邦付東道藩宣之寄裕民足國已稀晏

王學士文集卷三
癸之功宣化承流尚鼓龔黃之政悉心思報避寵何名

賜_因中奉大夫行司農少卿韓彥直辭免特換觀察

使知襄陽府恩命乞許以舊官任使不允詔同前

車

廉居本唐十道採訪之官初無文武之別也祖宗時錢若水以
執政舊臣王嗣宗以中司峻望李維以禁林舊德皆易此官中
興以來嘗有自次對而得者當時猶謂之優焉今朕以卿智畧
䟽通性資靜重徧更外計綽著多庸故繇列寺介卿特加超拜
槩之近比寵教愈優_備峴首_被邊號為重鎮往宣威信勿事謙辭
所請宜不允

賜徽猷閣直學士左朝請郎知太平府周操辭免改

差知泉州恩命乞改除一宮觀不允詔_日八月二十五

卿公忠端亮久簡朕心豈第庶勤教騰即最以明而陟改鎮大
藩既答民庸且彰異眷引年罷守本抑常材若夫政績著聞風
猷克壯則雖庶僚有不得去者矣况吾法從之儁老哉卿其勿
疑亟服新命

賜徽猷閣直學士左朝奉大夫周操再辭免知全州及

奏事恩命乞改除一宮觀差遣不允詔九月十六日

卿以侍從之良而名在諸侯之選易州趣覲蓋將聞嘉猷詢民

瘼也而卿前既引年今復辭疾殆異乎休國之誼矣其重賜璽書以著予意匪常禮也朕於卿簡眷如此卿得_不為朕一行乎

賜左正議大夫蔣芾再辭免新除觀文殿太學士知紹興府恩命不允不得再有陳請詔

成王之封召伯憇南國而教明康后之命畢公釐東郊而道洽皆籍大臣之望用彤九牧之風今朕起卿寔惟_稽古開近畿之鉅鎮加祕殿之大名素冠纁纁矧終于禮制赤舄几、佇見于儀形何未喻於眷懷乃游披_卷遜讀具遵初詔允迪前良

賜觀文殿太學士左光祿大夫知福州陳俊卿乞改

除一在外宮觀遣差不允詔十月

朕待_書獲弼之之禮甚厚擇帥守之任甚艱屬者以四千石之重俾卿畫_畫績而歸豈特敬故保庸合周官八統之馭亦惟七閩父老子弟知吾以相臣為卿部之寵庶幾歆羨告語勉於為善則一道雖遠可不勞而治也謂休此意往綏厥官諡疾之章胡為遽上傳曰不使大臣怨乎不以况我潛藩之故舊乎卿未可以家食也

賜徽猷閣直學士左朝奉大夫新改差知泉州事周操乞除改宮觀差遣不允詔

朕惟泉南大藩遠在閩徼遴擇師帥莫如卿宜而懇避之章一再不已昔卿未至引疾可也今既見朕美精力之彊不異曩時其可遂卿雅志乎勉為朕行母教勤詔諭也

賜觀文殿學士左宣奉大夫提舉臨安府洞宵宮魏

杞辭免差知平江府恩命不允詔

朕觀唐虞之世內有百揆四岳外有州牧綏御庸咨寵嘉可

此詔原按

淳熙五年

史浩除右丞相制三月十七日

門下朕儀圖俊傑勳相邦家受命溥將協濟藝祖興王之業治

民祇具共恢神克復古之勲念弄印者累年嘗命龜而載卜人

惟求舊既朕志之素孚民具爾瞻亦物情之衆允渙以大號揚

於外朝少保觀文殿太學士充醴泉觀使侍讀永國公食邑七

千五百戶食實封三千三百戶史浩道廣而智周才宏而德備

經綸之蘊蚤自許於功名寬裕之懷時莫窺其器重東學翼天

飛之運中階符帝賚之祥自弼亮于初元即昭宣于美業故王

如孟子非仁義不陳于前告后若君陳有謀敵乃順于外方參

和于鼎鈺旋力解於机衡此趣召環進陪經帷姬公適返初無

四國之言裝度未歸尚使西河之畏屬宵旰勵精之日適辨章

參

不全全者在

卷內

虛席之時宜續前功再膺大任易零陵之舊壤荒淇水之新封
增衍土田併隆體貌惟待之不輕則望之彌重惟始之不易則
終之實難予其仰成人且觀政於戲兆姓輯於下然後可以調
陰陽四維張於朝然後可以肅綱紀

例合陞次國加食邑一千戶食實封四百戶今擬次
國名如後伏乞
御筆點定一處以憑遵依施行

衛 隨 蔡 廣

右謹錄進 聖裁三月十七日奉 御批更不轉官

封衛國公

皇子魏王愷除永興成德軍節度使雍州牧加食邑

食實封制 閏六月十二日

門下朕博觀前代之文樂取成周之制初則恩加子弟榮疏五
等之封建逮其日奏勲庸越進九州之長以阜成於兆姓以夾輔
於丕基眷我親賢久於藩翰參用典常之舊載馳綸綍之新皇
子荆南集慶軍節度使開府儀同三司行江陵尹判明州軍州
事兼管内勸農使兼沿海制置使魏王食邑一萬戶食實封四
千戶愷植德端良受才英邁蹈詩書之至樂懷忠孝之永蓄宵
極憑暉夙昨王封之貴藩維分鎮恪修侯度之恭熙然田里之

安翁尔士夫之譽奉公履正獨倡率為列城簡賦平徭首遵承
 於美意間推功于上介居決閏於行都謙、自牧之光翼、令
 儀之則念八載宣勞于外實簡慈懷嘉兩邦報政之優特隆徽
 教是用以古元侯之重責專鎮之華旌麾遙領于長安節制
 兼臨于真定腴田載衍幹食隨增藩宣雖殿于東南威重庶加
 乎西北於戲八命作牧陟明昭考績之公四方為綱進律示
 有功之勸尚對揚于休命永膺保于令名可特授永興成德軍
 節度使雍州牧依前開府儀同三司判明州軍州事兼管內勸
 農使兼沿海制置使加食邑一千戶食實封四百戶

乞改正魏王鎮牧奏

臣今月十二日準內降熟狀皇子愷改成德彰信軍節度
 使行荊州牧內有擬似合行奏請下項

一臣契勘彰信軍係是京東西路曹州徽宗皇帝曾為本
 鎮節度使後來所以陞作興仁府今未未審合與不合
 改易

一舊來親王帶牧並就本鎮謂如山南西道節度使即帶
 興元牧蓋山南西道係興元軍額故也又如鎮海泰寧
 軍節度使即帶青州牧兼兗州牧蓋鎮海是青州軍額

奏寧是兗州軍額今來成德軍係是真定府即與荊州
牧不相應未審合與不合改易

右件如前或恐不及付三省商量即未審合如何擬進伏取
聖旨閏六月十二日奉

御筆批如本院有大鎮文本可擬有無妨礙進入別選點更
具奏本鎮帶牧故事奏來又奏

臣昨於去年夏草魏王除荊南節度使江陵尹制之時初疑亦
有重疊緣政和中曾有授除又夜中無處檢閱不敢省記具奏
暨明日方知端拱元年真宗曾為江陵尹荊南節度使事已

無及今因魏王加息就行改正甚為允當但兩鎮合帶兩牧若
用河東淮南節度使太原牧兼揚州牧頗似穩當蓋自來親王
兩鎮節度使即無帶一州牧者已依 聖訓別狀錄進或恐驟
加兩牧事体稍重則欲用成德軍劔南西川節度使却帶真定
尹兼成都尹加食邑實封乃是移大鎮加兩尹頗為適中且合
舊制竊恐夜深有妨取 旨又若多擬鎮名即恐有不合帶尹
牧去處別致差互輒敢冒昧奏 聞如或未安伏聽 處分閏
六月十二日奉

御批只於兩鎮上就本鎮止帶一牧

十二日三更後入此奏五更初準 御批只於兩鎮上
就本鎮止帶一牧頌為詩中至十五日 御藥吳回傳
旨取元批進入十六日刮去頌為詩中四字吳回復傳
旨降下

玉牒所進三祖下第六世仙源類譜并仁宗十年玉
牒提舉官少保右丞相史浩加食邑實封制 十月二
十三日

門下繫麟趾於周南賴姬公之協贊首倚那於商頌資考甫之
多聞有公族之振、不顯湯孫之稷、唯時元老實企前良
茲青吉以奏篇爰演綸而亶衆少保右丞相衛國公食邑八千

五百戶食實封三千七百戶史浩碩才經世厚德表民弼予一
人夙推寅亮之美式是百辟綽有柔嘉之風既甄陶士類以圖
寧亦芹藻皇猷而助治念唐室開成而後肇新史牒之名暨我
家至道以來初紀神明之胄粵從時邁增廣宏網羅屬籍之
遺潤色累朝之盛命鴻儒而振領率諸考以成書登名數千條
三祖本支之六世垂禧億載次昭陵德業之十年嘗恭覽于昕
庭旋閱藏于邃宇肆甄乃績將進厥官屬避寵以抗章即馭息
而後欲寧無異數昭我至懷其衍食于土田庸策勛于翰墨於
戲慶僊源之遠則親、之義不可忘思祖烈之貽則維、之心

王聖表
不敢怠蓋布在方冊者纂修之力而達乎朝廷者輔相之功勉
迪邦彞益光儒效可依前少保右丞相衛國公特加食邑一千
戶食實封四百戶

進呈 仁宗玉牒史浩轉官候

旨選日鎖院奏

契勘本院自未宰臣加恩鎖院降制係承准指揮之後即下太
史局擇日取 旨鎖院今准尚書省劄子十月十二日奉

聖旨玉牒呈 三祖下第六世仙源類譜仁宗皇帝玉牒了畢

提舉官史浩禮儀使趙雄可各與轉兩官依例加恩除趙雄係

屬朝廷施行外所有史浩見係少保右丞相衛國公若轉兩官
係轉少師事休頗重本院未敢依常例便行選日進擬今未立
候 聖旨處分付院之後方下太史局選取旨施行伏乞
睿照

史浩罷相除少傅保寧軍節度使充醴泉觀使兼侍
讀加食邑食實封制十一月十四日

門下一相勤勞處內既懷均迭之心三孤德義弼予斯厚優賢
之禮眷言宿望懇避繁机詎推從欲之仁顯布告廷之命少保
右丞相衛國公食邑九千五百戶食實封四千一百戶史浩恭

寬敏惠明允篤誠挾萬事之周材見諸施設貫六經之要道發
以詞華會風雲于潛躍之中翊日月於照臨之始燮調元化經
綸之譽孔彰寧輯黎民屏翰之功亦著粵後再相侵聞三時邦
葵循清靜之規玉度嚮粹夷之美方深注意共底迓衡迺荐控
于衷忱殊弗居寵利囊封莫過陟典難稽彩見篆車進新班于
亞傳雕戈錫盾還舊傳於東陽表儀虎觀之儒先燕息祥源之
使領拓其奉邑衍以真番昔昌朝敷皇祐之經創班昭于祕殿
而公亮釋熙寧之政兼將相於內祠茲參兩朝優異之恩庸作
一代耆英之寵於戲仲山甫既明且哲夙高補衮之勲房去齡
善始以終寧復吝權之意夫已遠一日萬幾之丕務則將聞三
王二帝之昌言謀焉就之遐不謂矣可罷右丞相特授少傅保
寧軍節度使充醴泉觀使兼侍讀依前衛公國加食邑一千戶
食實封四百戶

淳熙六年

皇帝璩除少傅加食邑食實封制正月十日

門下詔爵祿以馭臣莫重二公之任友弟兄而為政蓋先九族
之親乃眷宗英實聯貴介夙致維城之助屢更耆績之期越進
新班式孚衆聽少保靜江軍節度使充醴泉觀使恩平郡王食

邑一萬一千五百戶食實封四千七百戶。瓊質全樂易業懋溫
純謹夙夜之操修踐詩書之猷訓振其德閔睢之應賴焉。韜
韜其先棠棣其華著矣。一曰屬籍十閱歲陰自改涖於內詞乃
燕居於東粵朕纂承滋久雍穆為先與言近族之良每亦注懷
之厚昔相好矣豈忘爰處之時今錫予之何待來朝之日是用
誕頒典冊益固盤維棘路增崇既序陞於亞傳傳茅封加重仍並
衍于多賧以圖夾輔之勲以教庶民之悌於戲周尊冉季由克
保於令名漢重河間在能幾于大雅尚思前矩庸對茂恩可特
授少傅依前靜江軍節度使充醴泉觀使恩平郡王加食邑七
百戶食實封三百戶

月十日

曾覲除少保改鎮充醴泉觀使加食邑食實封制正

門下八統馭民教故在進賢之上三孤辨等正儀高特節之中
春言舊入獨存者老久榮兼於將相盡序進于聯班揆以剛辰
告于列位武恭軍節度使開府儀同三司充萬壽觀使信安郡
開國公食邑三千一百戶食實封一千三百戶曾覲性涵溫厚
識蘊通明粹章焜耀於一時議論驅馳於三載事予潛却夙罄
於勤勞際我昌期居多于忠益處燕閒而自適履富貴而能謙

歲月屢遷春知彌異朕歷覽吳王之代率優附翼之臣誓紀帶
 河沛邑畫封侯之俊詩可伐木人周邦多歸厚之民若時艸背
 之賢可後龍光之渥是用升華孤棘新亞保之威儀分鎮葭萌
 換元戎之節制易使名於真館衍封食于上畬衮繡有光絲綸
 甚寵於戲漢家再賞朱祐之舊恩唐室方興歎元超之白首勉
 思古義益介多祥可特授少保寧武軍節度使充醴泉觀使依
 前信安郡國公加食邑七百戶食實封三百戶
 祕書省進今上會要十年經修官王淮轉官加食邑
 食實封制八月十一日

門下重華受禪史推壬午之初元神祖勵精書備熙寧之十載
 繫于涼德適契丕彞覽副墨之浩繁嘉汗青之勤勩申念提綱
 之舊誕頌懋賞之新通議大夫樞密使東陽郡開國公食邑五
 千戶食實封一千七百戶王淮萬寶而通明直方而恭懿蘊經
 綸之事業擣黼黻之文章簡未會遇于千齡圖任周旋于二柄
 安世典樞机之職密自將張良運帷幄之籌智名無競茲啓
 圖書之府來陳政事之原謂榮奉庭闈亘古未聞之至樂而勤
 綏夷夏有歷年可見之宏規紀綱法度之相維禮樂德刑之交
 舉必提其要屢省乃成雖編之詩書或愧夏商之治然布在方

冊勉晞文武之功、惟前事之不忘、庶將來之有補、逮閱奏篇之善、特恩典之優、凡臣工載筆之多、率增華秩、矧樞輔端朝之久、寧慶昔勞、文階躋三品之崇、公社廣四封之履、於戲漢家之有制度、非儒先何以發揮、周官之師典、常惟弼直、乃能修輔、率屬嘗資于指授、表民正賴於躬行、用光不一之書、斯著無窮之閱、可特授通奉大夫、依前樞密使、東陽郡開國公、加食邑一千戶、食實封四百戶。

明堂加息制十四道

宣奉大夫右丞相魯郡開國公食邑五千四百戶、食

實封一千八百戶、趙雄加食邑一千戶、食實封四百

戶、九月二十三日

門下朕惟仁廟御圖之日、是謂本朝極治之年、斷自聖心躬行、宗祀合祛、高厚妥佑、祖宗受祿、無疆幸華夷之綏靖、貽謀有永、宜社稷之靈長、太上回嘗遵于前、冲人其敢急于後、聿來信順之助、可驗天人之符、裸將太宮、霖潦驟霽、陟恪大寢、月華正中、維時相臣、實摠使職、逮侈祭澤、首敷慶條、具官趙雄、德業優于佐王、謀猷裕于經國、鎮定大事、如彥博之恢闕、貫通群經、如宋庠之博洽、兼此二臣之烈、昭哉皇祐之勲、多士向方、庶民安堵、

繫神明之可告在典禮以當行蟬冕珥貂凜宗工之風采衮衣
繪雉陪初獻之威儀俾予上接三靈之歡下推四海之福情文
交舉先後不違雖曰居歆之祥歆惟顯相之力其並加於封邑
以均養于神釐於戲在成湯時尹躬有享天之德及太戊世臣
扈有格帝之功尚因大饗之成同企前獻之肖世令斯道專美
於商可

通奉大夫樞密使東陽郡開國公食邑六千戶食實
封二千二百戶王淮加食邑一千戶食實封四百戶
制九月二十三日

門下朕屬觀紹興初元之詔專取皇祐大饗之儀謂克蒙休最
為合禮蓋周室考工之制駸雜而難稽漢家玉帛之圖迂踈而
無取惟紫除于路寢可哀封於大神既便于今亦符于古匪曰
一時之綿蕤茲惟萬世之準繩方祇奉於慈謀盍遵行於故實
嘉予樞輔相戒禮容逮錫天休首敷邦渙具官王淮勲業可以
致主謨明可以憲邦精神折衝自高仁者之勇文學美政允謂
儒林之宗念仁皇肇謀於親祠惟麗藉實提于兵柄雖歲年之
已遠適名位之俱同茲乃輯寧軍民之勞成予制作禮樂之事
曰雨曰暘之協應潛天潛地而感通績佩無諱侍立齋房之遠

珥貂有耀、行煥幄之嚴、過臻瑞應之多、深倚弼諧之助、錫土田於舊履、侈况施于高靈、於戲、惠于宗公、思齊所以無恫怨、詔尔多福、天保所以有吉、錫惟君臣相頌、若股肱、則天人之應、如影響、永肩一德、迄濟多盤、可。

皇子永興成德軍節度使雍州牧開府儀同三司判明州軍州事兼管内勸農使兼汾海制置使魏王食邑一萬一千戶食實封四千四百戶、愷加食邑一千戶食實封四百戶、制九月二十四日。

門下朕洎選吉辛肇修宗祀出欵廟室入登堂筵天施地生丕展精禋之報祖功宗德並嚴升侑之儀和氣充於灌圭之時美光燭于奠玉之際敷錫惠術寵綏賢王具官愷明敏靖莊肅恭和順翼、動循于法度攷、常警於宴安赤舄淑旂久賜真王之履朱轄森戟兼分名壤之麾屬重屋之新祠賴度邦之職助雖乃身居外阻大精之是承而厥貢在廷異包茅之不入用申加于井地仍載衍于戶租既增帝子之華亦顯國容之盛於戲漢酎金于高廟有嘉藩國之恭周賑歸于魯侯是錫天王之命以示榮懷之慶以昭施報之息祇服寵光益堅忠孝可。

皇帝少傅靜江軍節度使充醴泉觀使息平郡王食

邑一萬二千二百戶食實封五千戶璠加食邑七

百戶食實封三百戶制九月二十四日

門下朕詠臣工之詩知諸侯嚴于助祭讀宗伯之禮如同姓重
乎執膳蓋下有以服其勤勞則上與之同其福祿惟時介弟來
侍親祠方談受於神釐肆寵頒于詔綽具官璠性資通敏業履
溫純郅客才華早肄長安之業子~~忠~~^年忠愛每馳魏闕之心序朝
高孤棘之班列爵啟王封之社屬九筵之肇祀習卜歲祥念三
載之居東許陪~~親~~^秋親茲荷乾祇之况是推友睦之息衍以戶封
實之幹食於戲祭而餞惠固歆其均柄以馭臣必循其序惟貴

也則當先於賤惟親也不可後於疏茂對光榮益思讓也

少傅保寧軍節度使充醴泉觀使兼侍讀衛國公食

邑一萬五百戶食實封四千五百戶史浩加食邑一

千戶食實封四百戶制九月二十六日

門下若昔昭陵創新儀而合饗有懷杜衍用舊相以陪祠雖一
時辭疾以莫來然累聖循規而罔墜嘉予元共軼乃前聞茲惟
邦國之華豈獨播紳之美恩章所厚寵數當先具官史浩寬裕
敏明粹夷莊重甘盤舊學早翼載于潛藩方淑壯猷再弼諧于
鼎路正筵舒于賢業旋避遠于事權密勿經帷後容賜第八推

高于壽俊予簡在于耆儒先甲之肇裡總前驅而領使駿奔于
廟無毀倚之容山立于庭有肅雝之色茲告成于熙事宜均賦
於暇田於戲社錫一旨召虎時承于周命侯封萬戶張良終在
於漢京蓋厚下者上之仁而愛君者臣之誼未綏鴻施日告嘉
猷可然後可以肅綱紀

少保寧武軍節度使充醴泉觀使信安郡開國公食
邑三千八百戶食實封一千六百戶曾覲加食邑七
百戶食實封三百戶制九月二十六日

門下朕率朝紳而款清廟備法駕而登總章控極再重次帷宮
而肅若輕涂九軌行玉輅以安然旋觀周道之砥平喜見漢宮
之儀盛言念初潛之舊實宣使領之勞顯布綸言誕敷祭福具
官曾覲字量寬博材資肅良保躬存劫盜之心衛上体忠純之
度闕中箱而考古夷雅自將執皮帛以會期寅恭匪懈屬宗祈
之協吉躬裸獻以告虔一純二精既內殫于誠意千乘萬騎亦
外展于禋威紛祝嘏之告祥知乾坤之饗德是廣配天之澤載
推加地之恩於戲祀文王于明堂方祇念儀刑之典授武帝之
神英敢獨當贊饗之辭有嘉耆艾之臣均昇神明之况往膺敷
數益勉令猷可

安德軍節度使開府儀同三司充萬壽觀使天水郡

開國公食邑三千一百戶食實封八百戶趙伯圭加

食邑七百戶實食封三百戶制九月二十六日

門下朕荷高厚顧臨之久念祖宗開創之艱稽世室之前規講

季秋之大報酌于玉爵質固異於陶匏敷以純筵禮亦殊於蒲

韎既情文之具舉且出顯之未歌眷念宗盟分頒祭澤具官趙

伯圭襟靈粹遠識量寬洪璧琮溫潤以無瑕鍾呂鏗鏘有度鎮

臨近輔昔高牧御之才願燕殊庭今嗜詩書之樂適拜熙成之

况思形廣愛之風越增衍于土田示登昭于物采於戲周邦助

祭固無同姓之皆來藻室侍祠亦有列侯之不至必親以朕騰

之賜庸榮夫骨肉之恩永孚于休世替朕命可

保信軍節度使開府儀同三司充萬壽觀使榮國公

食邑千一百戶實食封千一百戶鄭藻加食邑

五百戶食實封三百戶制九月二十六日

門下朕博考儒先之議精禋王者之堂天地祖宗潔牲牢而合

饗輝胞闡程徹俎豆以均頒矧予歲畋之英入護禁庭之重可

無懋賞以獎賢勞具官鄭藻蘊質端良存心樂易讓后家之胃

緒開朝著之典章三事聯班謙抑思同於常布萬鍾賦祿清修

耻溺于膏梁天固昇之吉康人惟自推其著舊茲卜中辛之旦
 肇修大祀之儀清廟宿齋外集齋髦之士皇居番衛內資忠謹
 之臣逮拜况於三靈特申榮於多戶於戲賜齊侯之昨著在春
 秋錫申伯之田見於雅什蓋異姓謂之伯舅而大封齊於善人
 祇服寵光永綏壽嘏可

定江軍節度使侍衛親軍步軍都指揮使吳州駐劄

御前諸軍都統制兼知吳州軍州事兼管內勸農使

充利州西路安撫使馬步軍都總管武功郡開國公

食邑 千 百戶食實封 千 百戶吳挺加食邑

五百戶食實封二百戶制 九月二十七日

門下朕因秋成物法古彝儀白牡駢犧祀總章之右介文茵暢
 敷懷油幕之中權錫以命書協于慶典具官吳挺材推沉毅識
 達交通為圻父之瓜牙名高宿衛上金城之方畧威震羗戎
 惟師律之允臧繇家聲之善繼屬類帝裡宗之盛嘉牧人御衆
 之勞况厥貢之充庭知乃心之存闕策勛念遠拓地申息於戲
 天武地文方並修於戎祀參禋非越尚益固於封陞勉荷殊休
 務堅壯志可

慶遠軍節度使提舉江州太平吳國宮武功郡開國

公食邑五千、百戶食實封一千、百戶成閭加食

邑五百戶、食實封二百戶、制九月二十七日

稍

門下朕命駕神宮、鳴銮御道、戎容視漢、主轟稍於金吾、儀物從周、郊旗常于玉路、傲拜堪輿之况、載輿鞞鼓之思、具官成閭、器質沉雄、材資敏銳、夙講明於軍志、深練達於武經、久護殿巖、嘗專圖制、紹弓掛壁、雖自適於安閑、賜節在門、亦坐膺於寵榮、屬受釐于宣室、方霈澤於綿區、曾是將臣、可無餒惠、既益戶封之數、仍豐幹食之輸、於戲靡愛斯牲、神我聽而有慶、使羞其行、福汝錫以無忘、往服恩章、尚思報效、可

皇叔祖保康軍節度使提舉佑神觀天水郡開國公

食邑一千、百戶食實封一千、百戶士歆加食邑

齊五百戶、食實封二百戶、制九月二十七日

門下朕精浹日、猷饗九筵、誠意上孚、霽秋霖於俄頃、景光下燭、澄皓月於通宵、克迓殊休、聿褒近屬、具官士歆、性資爽曠、業履溫純、位不期驕、籍甚宗盟之譽、富而好礼、穆然朝會之容、比稽用於陟文嘗、進加於寵數、遙臨外鎮、有華桐邑之戈、恪奉內祠、載揖浮丘之袂、逮陪宗祀、思廣惠心、斥米邑之爰田、衍真雷之幹食、以昭邦錫、以侈宗強、於戲對越兩儀、德方侔於覆載、念

茲烈祖思敢後於本支休於睦族之仁謹爾修身之度可

昭慶軍節度使致仕武功郡開國公食邑一千

戶食實封一千百戶劉懋加食邑五百戶食實封

二百戶制九月二十七日

門下祀神所以報本貴其所以廣恩唐漢以還饗帝必嚴於烈

祖商周而上省方先見于高年茲竣事于唐筵肆均釐於耆舊

具官劉懋受才庸敏毓性寬和煦威里之光榮被慈皇之眷簡

清風雅志久還洪景之依冠黃髮秀眉幾類武公之年教安車

甚適舊節故存雖莫預于奉璋頌豈忘于賜昨戶封祿廣生食

加多用侈闕休且綏遐福於戲祭統之倫有十蓋辨親踈達尊

之道有三六先壽齒欽承餒惠永保期頤可特

推誠順化功臣靜海軍節度使觀察處置等使特進

檢校太尉兼御史大夫上柱國安南國王食邑三千

戶食實封一千戶李龍加食邑一千戶食實封四

百戶仍加秉信功臣制九月二十九日

門下朕觀象房心按圖景已裸行于廟想列聖之未歆煙燎于

庭恍高靈之下墮逮克綏于遐福康均眷于遠邦具官李龍齡

世蹈忠純躬行信義聲威于南裔嚮刑化于中朝迭職貢琛

志弗渝於金石、疏封燾社、誓益保于山河、屬修禋祀之儀、思廣
穹祇之况、加田衍食、益號褒功、因牧御之有初、示眷私之無數、
於戲崇周、建於五室、既闡彌文、式湯命于九圍、是恢鴻施、往欽
徽教、勉迪順猷、可

懷遠軍節度使琳州管內觀察處置等使金紫光祿

大夫檢校司

使持節琳州諸軍事琳州刺史兼御

史大夫上柱國闍婆國王食邑一萬二千四百戶食
實封五千戶悉里地茶蘭固野加食邑五百戶食實
封二百戶制九月二十九日

門下朕荷三靈之孚、佑撫九有、以圖寧本、原造化之功、恪思崇
報、參酌古今之制、肅展親祠、茲拜况于總章、肆均休於蕃服、具
官悉里地茶蘭固野、性資明果、氣畧沉雄、世祚海隅、克固封疆
之守、心存魏闕、不忘忠義之圖、屬予饗天、假廟之時、想尔望日
占雲之志、用推慶祉、遠達惠心、載加奉邑之田、仍衍真畬之賦、
於戲降百祥於上帝、敢懷專鄉之祈、朝四塞於明堂、祗愧成宥
之德、懋膺洪渥、永戴清時、可

玉堂類稿卷之三

玉堂類稿卷第四
周文忠公集一百四
詔書
加上 太上皇帝太上皇后尊號詔 乾道六年十二
月一日

玉堂類稿卷第四

周文忠公集一百四

詔書

加上 太上皇帝太上皇后尊號詔 乾道六年十二

月一日

御製

門下嚮帝者聖人為能既深懸於涼德事親者天子之孝當益
播於鴻名參古今甚盛之規侈家邦非常之慶 光克壽聖太

上皇帝與天同大體道之宗

壽聖太上皇后如月之明以慈為寶久非心於黃屋方自得于
大庭言念眇冲親膺傳授冕屨屢周於歲畚寅恭三款於陽陔

祖宗遺我以閔休高厚昇予以景況匪仰遵於慈訓疇克對於
 昌期宜極推崇豈容滿假矧未~~因~~央為壽適符漢祖之九年而
 吳慶歸~~宗~~尊具著唐宗之再~~續~~請用涓穀旦交舉曠儀俯同中
 外之歡心並衍尊親之榮號懇章繼上俞旨甫頒雖蕩~~民~~無
 能名豈易測知於聖德然業~~日~~致其孝虔幾單竭於忱誠以
 承有羨之休以對無疆之壽 光堯壽聖太上皇帝宜加上尊
 號曰光堯壽聖憲天休道太上皇帝壽聖太上皇后宜加上尊
 號曰聖壽明慈太上皇后其令有司詳具儀注朕當親帥百官
 諸德壽宮奉上冊宝告于普率共此榮懷故茲詔示想宜知悉

舉賢良方正詔 乾道七年十月十一日

勅門下蓋聞制科取人盛於兩漢然或以陰陽靡調或以方內
 靡安乃勅即國舉而行之本朝則不然無事~~動~~而未有為而獲
 用上下交應為後世法肆朕紹服於今十年詔書教下勤勤懇
 懇間復畧傳註寬舉薦幾以招徠修潔博習之士輔朕不逮屬
 者有司嘗以一二應書既命待詔公車矣歲當大比其博求之
 夫寤寐忠言寧厭~~厚~~多士抱負器業或患~~厚~~無時朕之誠意子
 大夫其著聞矣來游未~~歌~~以矢其音不在此時~~厚~~今歲科場再
 令尚書侍郎兩省諫議大夫以上御史中丞學士侍制各舉賢

良方正能直言極諫一人守臣監司亦許解送仍具詞業繳進以聞故茲詔示想宜知悉

改左右丞相詔 乾道八年二月五日

勅門下朕惟帝王之世輔弼之名雖殊而相之實一也在商湯時則有若伊虺在成王時則有如周召或左或右皆見于經厥後位號定于漢而稱謂汨于唐以僕臣而長百僚朕所不取且丞相者道揆之任也三省者法守所自出也今舍其大而舉其細豈責實之誼乎朕稽古釐而正之蓋名正則言順言順則事成為政之先務也其改尚書左右僕射同中書門下平章事

為左右丞相庶幾革前代之舊成本朝之制焉

加上 太上皇帝太上皇后尊號詔 淳熙二年十月

五日

勅門下錫九疇之福而曰壽曰康亶敷言于帝訓有四海之富而得各得位丕佑命于天申胥同率土之心仰篤嚴君之撫慶光堯壽聖憲天体道太上皇帝剛健純粹微柔懿恭以德行仁本性成之固有修文偃武合經緯之自然異位當七十載之期敬休獲萬億年之報壽聖明慈太上皇后聖善明哲慈和寧專月齊日以得天能而久災坤順乾而配地是以廣生念非招

靜

揭于鴻名、何以對揚於鉅典、且堯壽獨高于五帝、時則有攷勳
之稱、而魯邾僅列于諸侯、尚能歌燕喜之頌、矧于天下之春逢
此古未之稀、是宜稽紹與乾道之已行、于以補兩漢有唐之未
備、博採群公之議、度伸再駕之恭、將祇迓于春祺、庸對敷于室
冊、一言以蔽、固難形盛德之日新、萬歲無疆、蓋欲輯曠儀而歲
講、式揚明命、前詔多方、庶令好善之民、休我事親之孝、光堯
壽聖、憲天体道、太上皇帝、宜加上尊號、曰光堯壽聖、憲天体道
性仁成德、經武緯文、太上皇帝、壽聖明慈、太上皇后、宜加上
尊號、曰壽聖濟明廣慈、太上皇后、其令有司、詳具儀注、朕當親
帥群臣、詣德壽宮、奉上冊宝、故茲詔示、想宜知悉、

科舉詔 淳熙四年二月一日

勅門下、朕惟四術以造士、三年而興賢、崇化厲俗、未有或先于
此者、粵予涼菲、寤寐髦雋、即國詔書、凡五下矣、期無愧于前聞、
有補於當世、此豈為虛文也哉、興言大比、今復其時、乃飭攷司、
申諭朕志、其各以賢能之書、奉上、朕將親策於庭、使在吾選中、
皆足以明章治教、振宣事功、豈唯予一人、以寧時爾、多士亦與
有無窮之聞、故茲詔示、想宜知悉、

幸學詔 淳熙四年二月五日

勅昔我藝祖肇造帝室禮樂征伐猶未皇暇乃開基之月首幸
國學越二月又幸既宏先聖先師之宇復復審衆而為贊之本
源治道厥有深旨然則掃五季之陋削諸侯之僭陞萬世之統
不在斯文乎列聖相承遂為家法太上中興開設學校乘輿臨
幸儒術益光肆朕纂圖儲精稽古憲章祖述夙夜不敢忘爰以
仲春謁見將聖躬釋菜之禮闡中庸之義臣工列侍多士濟
洙泗遺風儼然在目朕甚嘉之明揚訓辭尚迪朕志夫孝於事
親忠於事君學之本也業精于勤行成于思學之序也聖賢復
起不易斯言子大夫其念哉當為君子之儒世慕人壽之得使
予尊德樂道之心著化民成俗之效行光於祖宗對於慈訓斯
無負於樂育在汝等勉之而已故茲詔示想宜知悉

繳奏

臣昨日於龔茂良李彥穎處恭聆聖訓令臣撰幸學詔書
內當為君子之儒毋專人壽之得兩句臣尋具草進入錄
時耳受不審以專為慕今準御筆始正其訛欲候批降草
本至院即改正修寫伏乞 照 御筆慕字尤工更不須
改

舉賢良方正詔 淳熙四年三月十日

勅門下朕惟乾德興邦咸平熙載天聖御圖之始紹興復古之
初皆設制科博詢讜論粵予涼德欣慕前規茲當貢舉之秋仍
下方聞之詔翹其楚冀賢雋之無遺諤而昌抑邦家之有
賴咨爾閨臺之彥暨夫嶽牧之官或薦追于中朝或搜揚于外
服俾據所蘊陳古今致治之原將策于廷振臣庶敢言之氣
毋借才於異代庶復得于我家布告多方明知朕意今歲科場
其令尚書侍郎兩省諫議大夫以上御史中丞學士待制各舉
賢良方正能直言極諫一人守臣監司亦許解送仍具詞業繳
進以聞故茲詔示想宜知悉

戒飭諸路轉運司手詔 淳熙六年三月二十四日

朕躬節儉以先天下無暴征無苛取期吾元元躋於富庶之域
郡國之間宜若公私交裕矣今顧不然豐年樂歲中外少事或
未免於匱乏州迫其縣迫吾民其故安在無乃賦入寡而用
度衆歟吏二千石有能不能歟將輕費妄用莫知樽節歟朕深
居九重無以徧察故分道置臺寄耳目于爾漕臣職當計度欲
其計一道盈虛而經度之也職在按窳欲其蚤正素治毋使至
于病民也厥或異此朕何賴焉且汝不聞黍苗之詩乎我任我
輦我車我牛謂美召伯能成轉輸之功也其卒章曰王心則寧

言家給人足乃能安王之心汝等得不深思古誼視所部為一家周知其經費而通融其有無庶察其能否而我抑其耗嘉數者備矣即計何患乎不足即計足則屬邑寬屬邑寬則民力裕民力裕則吾宵旰之慮釋固有信賞於汝何吝若乃有餘者取之不足者聽之逮其乏事然後而劾之斯亦晚矣是則黜罰之行奚獨即守而已諸道轉運其明知朕意

繳進詔草劄子

臣昨因宣引嘗妄奏朝廷責財計于諸路諸路責財於州縣之下通融當如一家此不易之理也今顧不然朝廷督諸路轉運使不過嘗賦爾未嘗有所過取也而為漕臣者間有不能仰体德意竭州郡之力而弗恤其何理也夫謂之計度轉運是欲其幹旋一路財計使之有無相通也居是官者柰之何略不完此臣不暇遠舉只論去年數月之間紛紜者三單變以侍從典輔潘綠不支歸正又添給通衢之中扯裂車帷永州守臣徐樞初授代日歸正添差揀汰人相奉攔轎醜詆知南劍州林乘在任丁憂亦為添差等人妻女詬罵夫三千石尊重難危緩急乃可彈壓若使其下常懷忿嫉伺間而侵侮之國家閒暇不過少失事体而止萬一疆場或駭征伐于外其弊則將若何比來

朝廷雖量貶守臣懲治無賴然臣謂本其末不若治其本也俸料不支無以養生此小人所以不遜也財用匱乏夫遣不繼此守臣所以束手也臣嘗深思州用匱乏之由蓋有三說一則地隘民貧入寡出多不可措置二則郡守閭閻濶濶者衆不能措置三則輕費妄用不做措置漕臣者貪當濟之閭閻者當策勵之妄費者當戒約之甚則劾而勉之夫然固有曲突之功無噬臍之患今平居一切聽郡守之所為聞其小有贏餘又為豪奪巧取之計一遇生事亟劾守臣以自解所請計其有無度其盈虛者當如是乎臣願陛下戒飭諸路轉運使俾之各思其職宣朝廷之惠澤視州縣為一家上下通融蚤正素治勿為苟且趣了目前蓋上下通融則州郡稍寬州郡稍寬則諸縣不敢橫歛縣不敢橫歛則民力稍格當今急務孰有大於此者伏蒙陛下聖明洞照深以為然今擬撰詔書今謹具稟進呈未知辭意穩當否伏取進止

五

六

七

八

九

十

十一

十二

十三

十四

十五

十六

十七

十八

十九

二十

二十一

二十二

淳熙五年
選德殿記

皇帝踐阼以來宮室苑囿俱無所增修獨闢便殿於禁垣之東
名之曰選德規摹樸壯為陛一級中設漆屏書即國守相名氏
群臣有圖方畧未上可採者輒棲之壁以俛觀覽教延文武講
論治道詢求民隱至於中外奏報若軍國之機務皆於此省
決暇則紬繹經傳或親御孤矢雖大寒暑不廢臣某俟罪禁
林間嘗奉詔獲至焉一日命臣汝為之記臣愚學不足以

推廣聖意詞不足以鋪陳盛美謹采詩禮古文以射觀德事
及後世得失所繇次第其說禮君世子生三日射人以弧矢六
射天地四方其蚤正素定若此至擇士以祭必於射也進退天
下之才與祭者繇是得為諸侯卿大夫若屬有賓客之事燕勞
之寵莫不用射詩人又於其敵酬歌等之餘中度不中度罰爵
與否有所休戚美刺以為是王公大人風化黎庶者之本也由
是觀之古者君臣周旋禮樂以服習勤苦可不謂先事之惧安
而能危者哉是故三代而上卿士皆可獨將而兵民為一我不
生心世用定比其季也後以為威儀觀美而實不副馳騁弋
獵而政不舉則國人為之隱憂而受風作其後王道浸缺而文
武兵農遂分而不合自秦漢而下其具衰治亂鮮不以兵一夫
閔弓注矢則塗之人往、麇驚免逸之不服蜂蟻緣舉而見大
夫至無可使未免技將于行伍之中何者其具亡也天錫
陛下勵精百世之後追蹤太古之初謂射本男子之事非專於
用武也射所以現德非專於觀威也故為是殿以延群臣以裁
梳務以閱圖史而舍名則主乎射焉起居日用之間既以默示
躬行之旨宜乎大小之臣與夫四海萬里之遠循其理思其義
觀感而化從上攸好勝負之爭而揖遜之寓勇力之尚而仁

義之貴聞和安于真積習慣同乎自然可以與賢能可以詢衆
庶合兵民於已判同文武之異輒將于是乎在昔者宣王中興
其詩曰射夫既同助我舉業序之者曰是小雅盡廢而復古之
詩也蓋治有先後功在不舍沉潛剛克時乃天道 陛下神聖
必于此有得焉而臣何以知之臣謹記

此記淳熙戊戌閏六月十四日進呈於倚桂殿至九月
五日 上遣中使李裕文携至所居宣 旨令寓進欵

刻之石蓋留禁中八十日往、黏寘屏間其迹尚存臣

其謹記

尋命修內司石工張萬刻
石十一月十日立于殿上

進選德殿記奏九月六日

臣昨日承中使李裕文傳奉 聖旨令臣書所撰選德殿記進
入臣文詞鄙野字畫不工勉遵 聖詔實深震懼謹具劄子繳
進伏望 聖慈恕其冒昧臣不勝屏息俟命之至

謝 御書劄子十一月二十五日

臣適蒙 聖恩召至選德殿面賜訓諭欵以御書光寵下臣尋
準中使李裕文傳示 聖旨頒賜唐白居易七德舞七德歌一
軸龍蟠鳳翔眩駭凡目仰惟 皇帝陛下睿文英武同符太宗
選用將相內修政事將欵定兩京致太平故有感于居易之言

形諸翰墨少見 聖意抑臣何幸乃祇拜此賜昔本朝 太宗
 皇帝以宋玉大言賦賜蘇易簡 哲宗皇帝以白居易紫微花
 詩賜蘇軾皆以寵待詞臣垂光簡冊今臣榮遇殆且過之謹當
 十襲珍藏傳示子孫侈遭逢之盛其於報塞唯誓靡捐謹具手
 劄奏謝伏乞 睿照

進謝 御書古詩

臣伏蒙 聖恩賜臣御書白居易七德舞樂府一軸天光
 賁籥節室輝華臣榮感之餘謹用謝軾謝御書居易紫微
 花絕句故事喬沐課成古詩一篇少見戴恩之義輕贖

宸嚴伏地俟罪具官臣周某某上進

允文元祐詞臣軾勁節名章世無敵御前曾賜紫微詩袖裡驪
 珠光的皦小臣謬直白玉堂也紆皇眷擒雲章雲章元是七德
 舞字：筆灑超鍾王兩朝相望九十祀長慶集中偏屬意咸池
 日照草木光天門龍躍魚鰕悖戾 皇英銳 真 太宗文武
 神聖功德隆黃鉞指期擒頡利捷書先獻大安宮元和學士白
 居易臣非其才私有志願隨班賀四海清續唐之歌誇萬世

跋御書

淳熙五年十一月甲申臣逵直禁林中漏上三刻蒙宣召至

選德殿有中使諭旨云內翰所作殿記上燕見多呼官詞義甚美今刻石立殿上特命觀覽讀已迨至後陞上面南坐起居畢詣榻前再拜謝天音獎諭如初因泛論三代以來人君知道與否遂評六經諸子下至道釋精粗累教百言臣偶及聖人之言異乎賢人即訓臣曰聖賢氣象廣狹極相遠如孔子謂飽食終日無所用心不有博奕者乎為之猶賢乎已至

孟子則云人飽食暖衣逸居而無教近於禽獸夫人為萬物之靈安可輕比禽獸又論易係辭復教百言皆老生宿儒沒世窮年晝思夕願所不能至者臣第知俯首傾耳服膺而已將退命坐視卮酒侑以時果飲醕歆興復宣坐賜茶上曰待以惡札賜卿聖語不敢易臣頓首稱謝薄莫歸院而奎畫隨至蓋書白居易七德舞一軸鸞翔鳳騰体備八瀆鍾繇羲獻方之蔑矣其後仍注賜必大三字加御寶焉朱墨猶未乾

也臣伏思元祐中哲宗皇帝嘗書居易紫微花絕句以寵學士蘇軾今臣亦拜樂府之賜雖庸愚不肖視前人無能為役然兩朝相望殆且百年聖心所屬其機則一意者以居易為元和學士時非特文字過人而忠純諒直自能光明厥職後世惟軾為無愧故欵下思臣慕兩賢之萬一以為報答致

歟臣既摹刻之石俾有目者咸仰 聖天子游藝入神動存
至戒又畧記纂訓於後使萬世而下知 聖學淵懿仁民愛
物高出帝王之表蓋如共若夫 陛下功德兼隆同符太宗
天下將誦而歌舞之固非臣謇訥所能宣也翰林學士中奉
大夫知制誥兼侍讀兼太子詹事兼修國史管城縣開國子
食邑五百戶賜紫金魚袋臣周某謹記

序

淳熙六年

論文海命名劄子

臣準省劄備奉

聖旨以呂祖謙編類到聖宋文海令臣撰序

臣仰惟陛下當宵旰厲精規恢大業日不暇給之際猶以余力

垂意

本朝名士之著述特命館職精加採取類為一書將與

文選文粹並傳永久其加惠於斯文甚厚臣雖骫骳不才無以

序前人所為作者之意然叨塵詞禁恭值陛下觀乎人文以

化成天下紀事之端固其職也但臣伏思文選文粹者皆以精

擇為義而江鈿所編頗失之泛故其命名有取於海今若襲而

用之似未足以仰副隆指謂宜出自淵衷別賜一字以詔來世

或恐不必上勤肆筆即願令宰執商量以進仍以皇朝二字冠

其上用示悠遠無疆之義臣當推廣聖意擬述序引恭俟制旨
臨定伏取 進止

繳進文鑑序劄子

臣近者恭奉 聖旨撰皇朝文鑑序臣竊惟 聖朝文章之盛
遠過前代 陛下既命採擇其菁華仰以備 覽俯以幸學者
宜有高文為之序引又敷達 聖意而臣適在翰苑猥當執簡
聞見淺陋語言荒蕪勉塞明詔無所逃罪其序文今已撰成謹
錄封進 臣無任慚惶兢惧之至取
進止

皇朝文鑑序

臣聞文之盛衰主乎氣辭之工拙存乎理昔者帝王之世人有
所養而教無異習故其氣之盛也如水載物小大無不浮其理
之明也如燭照物幽隱無不通國家一有殊功異德卓絕之跡
則公卿大夫下至于士民皆能正列其義被飾而彰大之載于
書詠于詩略可考已後世家異攸人殊俗剛大而充而委靡
之習勝道德之不明而非僻之說入作之弗振也索之易窮也
譬之盪舟於陸終日馳驅無以致遠搏土為像丹青其外而中
奚取焉豈豈獨學者之罪哉上之教化容有未至焉耳時不否

則不恭道不晦則不顯天啟 藝祖生知文武取五代破碎之
天下而混一之崇雅黜浮汲：乎以垂世立教為事 列聖相
承治世出于一援毫者知尊周孔游談者羞稱揚墨是以二百
年間英豪踵武其大固已羽翼六經藻飾治具而小者猶足以
吟咏情性自名一家蓋建隆雍熙之間其文偉咸平景隆之際
其文博天聖明道之辭古熙寧元祐之辭達雖體制互異源流
間出而氣全理正其歸則同嗟呼豈非唐之文也非漢之文也
實我 宋之文也不其盛哉 皇帝陛下天縱將聖如夫子煥
乎文章如帝堯萬幾餘暇猶玩意于衆作謂篇快繁夥誰于徧
覽思擇有補治道者表而出之乃 詔著作郎呂祖謙設三館
四庫之所藏哀縉紳故家之所錄斷自 中興以前彙次來上
古賦詩騷則欲主文而譎諫典策詔誥則欲溫厚而有体奏疏
表章取其諒直而忠愛者歲銘贊誦取其精懿而詳明者以至
碑記論序書啟雜著大率事辭稱者為先事勝辭則次之文質
備者為先質勝文則次之復謂律賦經義國家取士之源亦如
採掇略存一代之制定為一百五十卷規模先後多本聖心承
詔於淳熙四年之仲冬奏 御於六年之正月 賜名皇朝文
鑑而命臣為之序臣待罪翰墨才識駑下固無推原作者聞

繹 隆指抑嘗竊讀大雅之詩而知祖宗所以化成天下者矣
械樸官人也早麓受祖也辭雖不同而俱以遐不作人為言蓋
魚躍于淵氣使之也追琢其章理貫之也况夫雲漢昭于上豈
余施于下濟多士其有不觀感而化者乎是則祖宗啟之
陛下繼焉樂文王之壽考申太王王季之福祿人才將至於不
可勝用豈止乎能文而已臣雖不肖尚當執筆以頌作成之效
云臣謹序

王堂類彙卷第四

王堂類彙卷第五

周益文忠公集一百五

賜臣僚請免詔一

乾道六年

賜顯謨閣直學士左朝議大夫知潭州沈介乞守奉

本官職致仕不允詔七月二十四日

卿以剛毅之資通明之略填臨一道威望隱然當今謀帥未有
能越卿者也胡為引疾遂致為臣幸至邪力不足邪卿何詞之
切去之果也夫早濕重脰江南之常獨長沙乎其思畜精神宣
底滯精共介福何恙不已爾庸既茂方且圖之所請宜不允

賜端明殿學士左中奉大夫知平江府汪辰乞除一
宮觀差遣不允詔八月七日

朕宵旰國治所賴以宣布德澤者賢良一千石是望既廷見訪
問以精捧于初又增秩賜金以久任于後凡以為民也如卿豈
弟忠信侍朕有年德意志慮宜知之矣出臨吳會曾未數月民
隱甫恤史茲甫載上書求去其義安在夫守方賢而遽易固非
朕指政垂成而輒棄卿亦奚取此哉姑安厥官尉役黎庶

賜敷文閣直學士降授左朝議大夫晁公武辭免知
揚州恩命乞除在外宮觀不允詔八月七日

重

卿昔任言責廣朕聰明旋陟民曹參予侍從渡瀘鎮益又訖外
庸萬里召歸固當番以自近會江都擇牧思得卻穀詩書之帥
羊祐威信之守茲為重寄今以付卿謂宜疾驅以寬憂顧教上
祠請非予所知

賜右朝議大夫曾懷辭免除龍圖閣學士知婺州恩
命乞一宮觀差遣不允詔八月二十二日

重

久勞暫免者臣子之至情入後出藩者朝廷之異數既進退之
無愧宜息榮之有加卿自冥周行即司邦深計達變通之術兼
取明子之方六年于茲多績用懋曳履正資於猷納需屢丐於

退閑冠西清嚴近之班付東道蕃宣之寄裕民足國已晞晏嬰之功宣化承流尚歧龔黃之政悉心思報避親何名

賜左中奉大夫行司農少卿韓彥且辭免特換觀察使知襄陽府恩命乞許以舊官任使不允詔曰前

重

庶車本唐十道採訪之官初無文武之別也祖宗時錢若水以執政舊臣王嗣宗以中司峻望李維以禁林舊德皆易以官中與以來嘗有自次對而得者當時猶謂之優焉今朕以卿智略疏通性資靜重徧更外計綽著多庸故繇列寺介卿特加超拜際之近比寵教愈優峴首被邊號為重鎮徃威宣信勿事讓辭所請宜不允

賜徽猷直閣學士左朝請郎知太平州周操辭免改差知泉州恩命乞改除一宮觀不允詔八月二十五

日

重

卿公忠端亮文簡朕心豈弟庶勤教騰郡最以明而陟改鎮大藩既答民庸且彰異眷引年罷守本抑常材若夫政績著聞風猷克壯則雖度僚有不待去者久況吾法從之雋老哉卿其勿疑亟服新命

賜徽猷直閣學士左朝奉大夫周操再辭免知泉州

重

及奏事恩命乞改除一宮觀差遣不允詔九月十六

癸亥

卿以侍從之良而名在諸侯之選易州趣覲蓋將聞喜猷詢民
瘼也而卿前既引年今復辭疾殆異乎休國之誼矣其重賜璽
書以著予意匪常禮也朕於卿簡眷如汝卿待不為朕一行之
乎

賜左正議大夫蔣芾再辭免新除觀文殿太學士知
紹興府恩命不允不得再有陳請詔

成王之封召伯憇南國而教明康后之命畢公釐東郊而道洽

重

皆藉大臣之望用形九牧之風今朕起卿寔惟稽古開近畿之
鉅鎮加祕傳之大名素冠乘、矧終於禮制赤舄几、佇見于
儀刑何未喻于眷懷乃游披于遜讀其遵初詔允迪前良

賜觀文殿大學士左光祿大夫知福州陳俊卿乞改

除一在外宮觀差遣不允詔

重

朕待舊弼之禮甚厚捧帥守之任甚艱屬者以四千石之重俾
卿昼繡而歸豈特敦故保庸合周官八統之馭亦惟七閩父老
子弟知吾以相臣為部卿之寵庶絕歆羨告語勉于為善則一
道雖遠可不勞而治也謂休休意往綏厥官諗疾之章胡為遽

上傳曰不使大臣怨乎不以況我潛藩之故舊乎御未可以家
食也

賜徽猷閣直學士左朝奉大夫新改差知泉州事周
操乞除改宮觀差遣不允詔

朕惟泉南大藩遠在閩徼邊擇師帥莫如御宜而懇避之章一
再不已昔御未至引疾可也今既見朕矣精力之彊不異曩時
莫可遂御雅志乎勉為朕行毋數動詔諭也

王堂類彙卷第五

賜觀文殿學士左宣奉大夫提舉臨安府洞霄宮魏
杞辭免差知平江府恩命不允詔

朕觀唐虞之世內有百揆四岳外有州牧候伯故能和度政而
寧萬國今朕起弼諧之舊任藩宣之寄用此道也惟御令德孝
恭維君陳之美威儀維則有魯侯之風吳門大邦密邇王室蓋
精擇而後用豈讓辭所能避哉亟其來思惠以千里

賜左朝散郎試中書舍人兼侍講兼直學士院鄭問
辭免新除禮部侍郎依舊兼直學士院恩命不允詔

朕惟秩宗典樂舜命二人成周雖合於春官然大宗伯大司樂

亦分二職今儀曹兼掌斯事任加重矣今既置其長復立其貳
倣古誼也卿以通材奧學嘗總夾奠之職與司名命益為國華
庸正貳卿俾續前業顧郊裡密邇禮樂之用為急使朕接三神
之歡成一代之典正有賴于博洽而又何遜焉

賜敷文閣直學士右承議郎知明州兼沿海制置使
趙伯圭乞除一在外宮觀差遣不允詔十月五日

朕聞大守吏民之本數易則下不安故雖遐方支郡猶擇人而
久任况近畿鉅藩控制海道如四明者乎卿大雅不即居官可
紀再分符竹治效益彰謹身帥先如文翁之守蜀足用愛民如
僖公之保魯父老方借留不釋而朕輕許其去可乎毋棄爾成
以究循吏之績

賜左朝請郎試尚書戶部侍郎江浙京湖淮廣福建
等路都大發運使史正志乞守本官職致仕不允詔

十月五日

朕迺者修廢官以示四方庶幾大易理財之義虞書養民之政
復見今日卿繇侍從首在選中亦既宣勞方期底績乃因奉計
遂歆告歸是豈朕責成之指哉傳不云乎禮義不愆何恤于人
言卿其平心審思使國用足于上民力裕于下稱朕意焉所請

宜不允

賜復威武軍節度使左金吾衛上將軍李顯忠辭免
除主管侍衛馬軍司公事恩命不允詔十月十五日

國以兵益強兵以將為命况夫搃牙爪於圻父憲羽林之壘壁
委計至重可輕授人卿沉毅忠勇見謂名將紹興之末嘗典騎
軍朕自纂承益加倚信與其執戈環衛宣夙夜之勞孰若申命
天營規訓齊之效衆論唯允卿母固辭

賜左正議大夫守尚書右僕射虞允文辭免轉一官
加食邑一千戶食實封四百戶恩命不允詔十月三

十日

勅允文省所劄子奏辭免提舉刪修勅令書成特轉左正奉大
夫加食邑實封恩命事具悉宰以六典佐王周室乃成于邦治
相以九章約法漢家遂協于時宜惟大臣克念于兼三則多士
自遵於畫一卷予賢弼力蹈前修致君已展於謀謨定令更陳
於綱紀成書未上乙覽甫周進階特獎于多庸加地更隆于異
數既廷揚之衆允矧面諭之素享毋費謹辭趣承寵命所請宜
不允

賜左承議郎權尚書工部侍郎兼侍講胡銓辭免除

除工部侍郎恩命不允詔十一月二十一日

汲黯在漢謀寢淮南隨會仕晉盜奔秦境本朝遵用吉士分治
六職庶免逆折姦萌而使僥民退聽非必專以事諉也如卿堅
強肅括輔之文學忠言奇論老而不棄再儀周行侃然從近臣
之後朕每嚮焉就正貳卿蓋優宿望卿其益勵壯志自同古人
副朕所以眷待之意尚何辭之有

賜尚書右僕射虞允文辭免提舉詳定司勅令恩

命不允詔十一月二十六日

周太宰以法待官府之治繫之天官今朕欲仍舊貫講明百司之

灋而自公府及吏銓始蓋古之遺意也卿以經術斷國論賢業

熙帝載提綱于坎位實值才傳曰三公佐天子平邦國無所不

統卿乃以總它職為辭無乃異乎况朕稽用已行之典高卿相

遜之風特詔克家貳其事矣協謀合慮亟成新書庶免乎成周

不其休哉

賜參知政事梁克家辭免兼同提舉詳定百司勅令

恩命不允詔

法令者治之具也朝廷者百官之表也惟憲度著明于上則紀
綱不紊于下今朕復故事定章程始于臺省達于有司蓋將為

一代不刊之典非吾執政誰與議此卿以儒猷久歸王度以智
謨參穆天緯與提綱領允謂當仁而況並命宰輔非特天聖以
未為然在紹興時或以疑丞或以省密視諸政府具存近規出
位為辭非所望于卿也所請宜不允

賜皇子雄武軍節度使開府儀同三司慶王愷辭免
加食邑食實封恩命不允詔 十二月九日

朕乃者躬執珪幣郊見上帝誠意昭格風雨時若美光休應集
於中壇方推大賚以及四海况我父子之親真王之貴重嘉觴
之獻單駿犇之勞允所謂溫恭朝夕執事有恪者也其何愛多
戶之封不以廣厖鴻之施厚夫慶賜之行自親以及踈繇貴以
及賤此先王之典也可無復辭所請宜不允

賜觀文殿大學士左光祿大夫知福州陳俊卿乞改

除一在外宮觀差遣不允不得更有陳請詔同前

惟邦本本固邦寧岳牧之官其敢不重近日起一二舊相鎮

臨藩服庶幾倡率群國與我共理如卿蚤傳潛邸備儀邇列比
辭宰事寵昇帥權因輔之久則志易孚順故鄉之俗則政易
治朕方嘉卿夙夜匪懈不以大臣自居推我惠心致之閩嶺而
曾未期歲求去者再甚無謂也昔汲黯多病猶能卧治東海卿

其可以微疾為解乎况朕推誠無疑篤收肱之舊而卿何不自
信引桑梓之嫌姑安厥官毋替朕命

賜左中大夫參知政事梁克家辭免進封清源郡開
國侯加食邑食實封恩命不允詔十二月十一日

朕承天之序饗帝于郊不敢恃犧牲黍稷之豐而所竭者誠不
敢矜玉帛鐘鼓之備而所修者德荷神靈之昭格慶典禮之備
成丕擁純禧徧敷黎猷卿勵志許國同寅惠疇匪惟講明三歲
之彌文實亦啟迪一統之精意相子肆祀具宣登降之勞眷我
思成宜共休嘉之福封輒侯於故郡陪多賦于上腴鴻霈所加

朕豈有徒施之惠顯庸斯稱卿固無虛受之嫌其体眷懷勿墜
冲尚

賜皇兄檢校少保岳陽軍節度使開府儀同三司充
萬壽觀使永陽郡王居廣辭免加食邑食實封恩命
不允詔十二月十四日

朕誕受帝祉敷錫中外以王屬近位高在顯相之列均釐加地
其說盖有三焉親仁也貴禮也富善人義也制書既下可
以讓辭而中格哉

賜太尉保信軍節度使充萬壽觀使鄭藻辭免加食

邑食實封恩命不允詔十二月十七日

郊廣矣無親疎無大小無內外咸暨焉卿地則懿戚位則掌武
祿則祕祠此固慶澤所宜先者矧朕親駕郊廟之夕卿實宿衛
宮省使吾不內顧而盡敬於酌獻厥功茂矣其可辭賞乎

賜左朝議大夫黃中辭免除顯謨閣學士在外宮觀

恩命不允詔十二月二十二日

朕以卿有次公之溫良叔度之深遠直諫多聞昔為益者之三
友壽齒有德今號天下之達尊故起之既老勉以自近而卿深
為止足之義重於朝請之勞敷上書未去朕不得而畱也文謨
峻職真祠厚祿不如是無以旌耄耶之舊遂赤松之遊常格云
手哉所請宜不允

賜皇弟少保靜江軍節度使判大宗正事恩平郡王

劇辭免加食邑食實封恩命不允詔同前

朕乃者迎日之至三修郊類戰兢懼無以承天地之况合
祖宗之心而假廟之夕象載昭察升燎之際衆星畱命顧朕不
明其何以臻茲亦惟爾王公卿士秉德助祭之效也詩不云乎
豈伊異人兄弟具來昨祉所加孰先同姓抗章辭邑非朕親
睦之意也

賜昭慶軍節度使致仕劉懋辭加食邑食實封不允
詔十二月二十六日

朕歌成舍之頌而單夙夜宥宥之心詠思文之章而懷立我蒸
民之德精神孚遠瑞應紛委歛敷慶澤中外胥及粵我一二告
老之臣名在戚里家擁旄節可獨遺乎夫均惠所以推天地之
況篤舊所以廣祖宗之仁事異勸勞朕非以是私卿也

乾道七年

賜皇弟璵再辭免加食邑食實封恩命不允不得再

有陳請詔正月三日

朕峻丘澤之祠篤邦家之慶並崇冊寶尊我庭闈加錫金縉惠
于文武惟時介弟慕昔賢王率麟趾以駿犇服貂冠而顯相拓
其奉邑壯乃宗盟均福展親義可承而難避執謙辭富章既却
而復來雖諒忱言莫回渙號所請宜不允不得再有陳請

賜龍圖閣學士右朝議大夫知婺州軍州事曾懷乞

除一在外宮觀不允詔正月十日

卿心計有餘而能以損益為戒當今理財殆未有出卿右
者拜州累月朕注想焉驛召而來將復付以足國裕民之寄
其可言去手勉悉爾心即頒寵命所請宜不允

賜右中大夫充徽猷閣待制新除知荆南府姜誥辭
免除敷文閣直學士恩命不允詔正月二十五日
卿宣城之政號稱勤敏當積潦之後有振~~原~~^用之功可稽陟明以
勸能吏矧祖宗甚重邊帥率進職以寵其行今吾荊州蔽巴蜀
控襄漢帶沔鄂任加重矣可無褻乎西清進班所以錄前勞音
新組也尚体至意毋為遜辭所請宜不允

賜龍神衛西廂都指揮使廣州觀察使趙樽再辭免
除昭化軍承宣使恩命不允不得更有陳請詔正月

二十六日

卿守邊日久軍政修明進階承流庸以示勸此六年正月之詔
也今彌歲矣乃上章固避至七八而未止是豈稱朕急于第功
之意哉面諭已孚亟恭前命

賜復慶遠軍節度使差充鎮江府駐劄御前諸軍都
統制成閔辭免加食邑食實封恩命不允詔二月二

日

朕籲俊以尊上帝非惟常伯常任是賴亦惟虎賁之長越在外
服簡恤爾士尚迪果毅以登乃辟肆予一人汝嘉用承天休眷
爾多邑誣告有衆咸曰允哉毋或固辭共朕之詔所請宜不允

賜皇子鎮洮軍節度使開府儀同三司恭王某辭免
立為皇太子恩命不允詔二月九日

朕觀夏商而後唐漢以還率當國家閒暇之時豫建社稷久長
之策古以為重朕安敢輕以汝符采昭融性資英敏早辨南陽
之績深窮東序之經素簡朕心灼知厥德用協本朝之茂憲載
行至道之盛儀詔以揚庭命之貳極蓋兼採親賢之望顧豈專
父子之恩永肩忠孝之圖勿徇謙沖之節

賜成閔上表再辭免加食邑食實封恩命不允不許
再有陳請詔二月十八日

王者公子奪以馭臣明辭度以事上古今之通誼也朕躬
郊拜况均惠文武有懷宿將摠戎於外雖無侍祠之勞而有制
闡之功載加多邑以溥吾恩非妄予也卿其可異衆而獨辭乎
所請宜不允不許再有陳請

賜龍神衛西廂都指揮使宜州觀察使主管侍衛步
軍司公事王友直辭免陞侍衛親軍步軍都指揮使
恩命不允詔二月二十一日

朕謹操八柄以馭羣臣凡厥賞刑夫功過卿治軍有律事上
不欺顯示朕恩就升使範既為爾寵亦勸其從宜即欽承勿勞

遊避所請宜不允

賜皇子魏王愷再辭免依文彥博例宴餞于玉津園
恩命不允詔二月二十四日

昔宣王能錫命同姓詩人美之曰韓侯出祖出宿于屠顯父餞之清酒百壺以中興盛禮也今吾真王之貴分近輔之符百籩郊餞所以敦天性示慈惠也稽之在昔恩禮愈隆尚其拜嘉光乃行邁

賜左中大夫參知政事四川宣撫使王炎乞罷梳政併解使權除一在外宮觀差遣不允詔二月二十八日

卿以廊廟之賢置行臺于蜀二年于茲矣農田有秋邊鄙不寧朕固寬西顧之憂而亦懷卿賦東征之歸也特以宣威任重謀帥才難頌我近弼良非獲已且民心既服卿豈不欲圖其寧軍政方修卿豈不欲底厥_績其可如一介之臣輕議去就乎益壯爾猷行受吉甫之多祉

賜利州觀察使韓彥直辭免除郢州駐劄御前諸軍
覩統制恩命不允詔二月二十八日

唐之雅曰惟西平有子惟我有臣將門擇將自昔然矣惟乃先正著勲烈於王室世選爾芳庶其在茲矧卿智畧聲猷見于總

賦之日就拜大將一軍何驚馬勉圖功名安用辭避

賜參知政事梁克家辭免兼權知樞密院事恩命不

允詔三月十一日

鈞

卿醇明通達夙夜簡知自陟政塗即迭貳鈞樞之任朕意亦可見矣屬知特起舊人通知兵柄卿是以有前日之請然而籌惟之官尚或虛位朕是以有翼日之詔蓋控辭者卿之志也申命者朕之本心也既已兩得奚為自疑

賜皇太子辭免立妻李氏為皇太子妃不允詔三日

三日

朕居念永圖動遵成憲知子莫若父既毓德于春闈治國先齊家復正名其嘉耦蓋禮容之異數則位序之同升固有榮懷往世辭避

賜定國夫人李氏辭免立為皇太子妃不允詔同前

朕觀易象以正家人玩禮經而明內則春時令婦久範嗣賢既靜順以修身亦虔共而佐餼茲宏開于儲禁爰並錫于徽章允協舊規盍翊冲節

賜明州觀察使張銳辭免除安慶軍節度使提舉萬壽觀加食邑食實封恩命不允詔

往

卿久在樞庭日承密旨邊防軍政既與聞之比名超遷其實因任顧乃遂州辭位莫得而番界之將^旌優以祠廩既曲從于卿志亦固拂于師言朕於適臣可謂進退有礼矣卿猶固避不已過乎

賜觀文殿學士左宣奉大夫知平江府魏杞乞除一在外宮觀不允詔三月二十六日

朕愛民甚所賴于惠養而訓導之者不在良二千石乎以卿孝友忠信宣慈明允起臨近輔庶達^朕心既勤勞于初當優游于後十旬遽去人謂斯何仲子曰居敬而行簡以臨其民允蹈格言汜成靜治所請宜不允

賜草土劉珙辭免起復除同知樞密院事恩命不允詔同前

卿文武憲邦朕所注想屬聞惟親憂釋閭寄朕未忍下奪情之詔者知卿送終之心切也今卿哭踊有節少抑門內之恩寔寧無違足伸人子之孝起任吾事茲其時乎况當朕焦勞之秋欲咨卿軍旅之務從權合禮何名教之虧移孝而忠何化之薄勉與塊次來質前等所請宜不允

賜題謨閣學士左中奉大夫知潭州沈介辭免召赴

行在乞改除一宮觀差遣不允詔同前
卿清明敏達輔之學術蓋國家之寶臣也往者藉其才付以方
面今者閔其勞命之來朝朕待臣工亦云至矣卿久去侍從獨
不思奉三年之計且告戒以嘉猷乎抗章辭行非不俟駕之義
也佇前朕席宜疾爾驅所請宜不允

賜觀文殿大學士左正議大夫知紹興府蔣希冉上
劄子乞除一在外宮觀差遣不允詔三月二十八日

卿德善在躬寬而有制比席衮衣之貴懷會稽之章布宣恩威
人以畏慕薦來自佚殊非朕心惟爾曾門暨乃祖乃父或以方
略為名帥或以廉清號良守推爾家法又吾君民豈唯吾人一
以寧時亦昭乃世德尚休茲意毋勤再三

賜敷文閣直學士王十朋辭免除太子詹事恩命乞

休舊奉祠不允詔四月五日

朕深惟三代長久之計道豫達太子又擇名卿宿儒為之衛翼
所以尊宗廟重社稷也卿清名諒直海內寡二頃繇三館以經
術從吾兒游茲啟承華命居端尹是資正論益廣前聞卿疾既
平彊為戒起所請宜不允仍依已降指揮疾速前來供職

賜福州觀察使提舉佑神觀曾覲辭免特與轉行一

官恩命不允詔 四月七日

惟予賢子昔在幼學春誦冬讀詔之有人逮茲升儲隆我國本
推恩篤舊厥有故常按藉序遷卿其一也理無可避往即欽承
賜左中大夫參知政事四川宣撫使王炎上表再辭
免進封清源郡開國侯加食邑食實封恩命不允不

得再有陳請詔 四月十二日

朕迺者不愛牲玉躬秩元祀於穆清廟時則來多士之助啟事
上帝時則有三俊之功慶賜所加遠邇如一眷言哲輔為朕倚
毗賦政于外方資山甫之喉舌用錫爾祉宜廣召公之土田惟
君命之不可稽惟神釐之不可拒遠動遜牘殊拂予心所請宜
不允

賜左太中大夫給事中王爚辭免除翰林學士恩命
乞除一在外宮觀遣差不允詔 同前

御蚤繇推擇進直搦文出入禁塗今二十載非特詞章之麗素
簡朕知至于官簿之優誰居卿右逮茲顯拜寧復聞言况朕臨
御以來內相統教人耳一時髦士預選為策三入承明在御充
寵方觀鴻筆宜略撫章所請宜不允

賜敷文閣直學士左朝議大夫知揚州晁公武辭知

潭州不允詔四月十三日

勅公武省所劄子奏舜免改差知潭州恩命乞檢會前奏除在外宮觀事具悉長沙昔稱都會連帥今總兵民生齒夥繁夷獠被邊自非仁以撫之義以制之其不之吾事者絕希卿屢劄州符三分閩寄政遠寬猛在循吏之目孔子曰如有所譽其有所試卿于宅牧可謂詳試矣朕命唯允爾行勿違

賜敷文閣直學士左朝議大夫知揚州充淮南東路安撫使晁公武乞除在外宮觀不允詔四月十五日

朕厲精庶政夙夜不敢康亦唯州牧侯伯推惠澤而致之民以協贊予治卿奮絲儒術見謂吏師服在近班教更守帥籌庸淮海易鎮湘流甫下重書日遲圭覲叢祠之請徒費爾辭

賜定武軍承宣使安定郡王令德辭免除知南外宗

正事恩命不允詔同前

堯明俊德九族以親今朕擇宗室之老分治同姓亦帝堯之意也卿蚤從官政晚襲王爵富義理之閱無侈驕之期必能睦族以恩率下以正詢謀惟允辭避何居

賜皇子雄武保寧軍節度使開府儀同三司判寧國

府魏王舜增供給錢等不允詔四月十八日
勅愷省所劄子奏乞免每月支供給錢五百貫文并本府一行
官屬月支供給各有差事具悉地親者恩宜厚位重者祿必豐
既以辨儀亦惟馭富嘉予賢子殿乃名藩爵已極于真王禮當
殊於方郡優加錄廩固周邦宗子之城眷及陪臺異漢室左官
之律其祇朕眷世執而謹

賜新除翰林學士左太中大夫王曠舜免除兼侍讀

恩命不允詔四月十九日

入儀經幄均用時髦然勸講者猶有分章析理之勞進讀則專

以因事獻言為職每艱選任必屬耆英卿比自夕即來陪畫訪
衆謂儒林之先進朕嘉法從之其成既真鼇禁之除宜冠金華
之席雖循故事實茂新恩其務廣於緝熙世過形于謙遜

賜徽猷閣直學士左朝奉大夫提舉江州太平興國

宮周操舜免除龍圖閣直學士恩命不允詔五月五

卿剛毅簡廉宣慈明敏立朝著不欺之節治郡推愛人之心甫
鎮清源遽移霜露之疾重以民事櫻吾耆老進職四等俾為奉
祠之光祇服異恩世頌沖遊

賜觀文殿大學士左光祿大夫知福州陳俊卿辭免
加食邑食實封不允詔五月九日

朕乃者裸黃流於廟颺高煙於郊祖宗顧歆天地並况加與中
外同其福祿卿秉德蹈義嘗亮予采偃藩南服職貢甚修既考
上儀肆加奉邑非特示均釐之意亦以疇助祭之庸亟其欽承
世格明詔

賜觀文殿大學士左光祿大夫知福州陳俊卿辭轉
官不允詔五月三十日

勅俊卿省所劄子奏辭免收捕海賊倪郎等了當特轉一官恩
命事具悉屬者姦眚航海出沒風潮間鈔賈舶擾島民釋而不
誅殆且滋蔓卿督厲將士以時蕩平朕甚嘉之方詔有司條上
功狀譬之獵鳥發縱指示之庸不可以不先也卿其亟服新命
使爾衆知朕信賞如共賈其餘勇剴殫逋寇俾無遺育尚何後
患之虞哉

賜侍衛親軍步軍都指揮使宣州觀察使王友直辭
免除殿帥不允詔五月二十五日

勅友直省所奏辭免除主管殿前司公事仍乞檢會前奏除一
在外宮觀差遣事具悉朕既分命猛士以守四方又萃天下武

錄而為周廬之衛若時擇帥其重可知卿沉毅有聞久司禁旅
巖除缺長肆命晉遷夫志功名事常懷無時懷忠義者當思報
主未開避寵豈所望於卿哉

賜侍衛親軍都指揮使武昌軍承宣使吳挺辭免除
步帥不允詔 同前

勅吳挺省所劄子奏辭免除主管侍衛步軍司公事恩命事具
悉朕厲五經修軍政雖千夫長百夫長猶審擇而後用况乎總
七萃之重護九重之嚴非吾信臣孰寄心膂以卿家世忠義見
聞方畧召居環列益觀尔能擢典衛兵蔽自朕志勉圖稱塞何
以辭為

賜李顥忠辭免特復太尉恩命不允詔 六月四日

勅顥忠省所劄子奏辭免特復太尉恩命事具悉周命六卿圻
父帥爪牙之士凜分三府掌武典居一焉古今沿革雖殊其為
重任均也御方以沉鷲忠實領萬騎於天營之內茲復申加異
數還昇自上安下之職庶絕因名而責實鑒舊而圖新勉期功
名奚必沖避所辭宜不允

賜左中大夫參知政事四川宣撫使王炎再乞在外
宮觀差遣不允不得再有陳請詔 六月

卿屬者上書移疾祈釋邊寄朕惟信順者天人之所助正直者
神明之所聽如卿肱股近弼與國同休其賢可尚匪息之安積
勤愆和何慮不已璽書諭指今甫扶自囊封緘未嘉聞治事之
語其可求代乎且充國疾晉西陲裴度臥護北門皆無後難以
有終吉卿其總大体略細務時節炎涼輔近服食俾躬有瘳稱
朕意焉所請宜不允

賜端明殿學士左中大夫知太平州洪遵辭免知建
康府恩命乞除一在外宮觀差遣不允詔六月十二

日

厥今重鎮莫如秣陵異時謀帥多取政塗之舊非特藉賴威望
填臨兵民亦惟嘗侍帷幄知德意志慮之詳焉卿文學政事著
於中外當塗分守尤號循良寬吾顧憂無易卿者夫繇諸侯而
列方伯釋銅魚而佩玉麟固足以為吏士之光矣况乎粉榆故
鄉近在封部之間哉勉稱恩榮毋煩遜避

賜鄭藻辭免除開府儀同三司加食邑食實封恩命
不允詔六月十五日

朕閱外姻之藉懷諸后之家如卿歷事四朝號稱耆舊凡今咸
里誰與比倫而況尉府十年無瑕而有譽進隆命數禮亦宜之

以上係第
五卷
第六卷

不然衮衣繡裳視秩三事朕豈輕以假人也哉已告大廷毋動
遜讀

賜左中大夫叅知政事四川宣撫使王炎辭免除樞
密使應干恩赦並依宰臣恩命不允詔十月二十八

日

朕唯卿與學英才負名儒之望精忠閱慮有大臣之風使蜀三
年厥功茂焉旣廷闕長欲下未歸之詔者屢矣而西南重寄委
印莫界故推殊渥未改行臺蓋位崇則國體尊任久則士心附
告庭之日措紳黎庶咸曰允哉朕亦自欣用人披任之兩得也

茲觀來論乃謂不皇安者有五夫錄德定位非誤賞也以身殉
國非市寵也朕之名器其愈重卿之名節其愈光况又況江表
督師元樞外拜隆興近制今實用之雖復力辭必成命之難回
也所請宜不允

賜起復左朝奉大夫充敷文閣待制樞密都承旨兼
戶部侍郎葉衡辭新除戶部侍郎不允詔十一月九

日

勅葉衡省所劄子奏辭免除戶部侍郎依舊兼樞密都承旨恩
命事具悉卿才華志略簡在予衷列職樞庭兼官民部蓋綽

手其有裕也。孔子曰：足食足兵，民信之矣。朕方與卿圖以三者，是以事權雖舊而寵數則新，尚據獻納之遠，猷焉用辭遜之常。禮所請宜不允。

賜敦文閣直學士左朝散郎知成都府張震乞改除在外宮觀差遣不允詔。

文學政事，惟通才為能兼之。卿頃在朕前，有敵則告，付之征鎮，何遠非宜。邈是少城，方安仁愛，其可求代乎。况朕推誠無疑，卿乃以嫌自列，非所望也。益勤宣布，尉父老子弟之心，所請宜不允。

賜敦文閣直學士右中大夫知荆南府姜誥辭免昨任寧國府修圩岸轉一官恩命不允詔。十一月二十一日。

增秩旌郡守，漢制也。而朕用之，卿嚮治宛陵，於農田益宣力焉。隄防允修，禾黍以茂。今雖易鎮，賞猶賤切。茲用不待三載，亟考而績。詔音既下，顧歎及汗邪。所請宜不允。

賜四川宣撫使王炎再辭免除樞密使不允。不得再。有陳請詔。十二月一日。

國家右置鴻樞，幹旋兵柄。其倚綏之重，圖任之艱。方吾宰司注

意均也如卿文足以斷國論武足以震天威萬里護邊三年于
此疇厥望實延登使聯雖未容借箸于前蓋已賴折衝于外朕
志素定度言六諧固非以卿嘗貢移疾之章而有是筵中之詔
也申言五說無乃過疑朕既丁寧諭指明其不然矣遜函未已
豈亮眷懷勉趣欽承毋稽我惟行之命所請宜不允

賜翰林學士左中大夫知制誥兼侍讀王曠乞守本

官致仕不允詔十二月九日

卿靜重恭寬為時舊潤色帝制久而愈華進趨昕朝於方益
壯告歸之語胡為而至哉且禁林優游義理相應固非有簿書

期會之勞也尚詢黃髮世豈二疎所請宜不允

賜龍圖閣直學士左朝奉大夫提舉江州太平興國

宮周操辭免召赴行在不允詔十二月十九日

卿作德日休未嘗載偽故立朝則朕信之典郡則民安之蓋簪
橐之著英播紳之令望也往聞嬰疾聽解即章今病瘳可造于
朝是以有賜環之命惟古之良臣乃心罔不在王室雖千里不
以為遠而况崇朝之近一葦可杭乃欲辭行乎所請宜不允

賜左中大夫參知政事四川宣撫使王炎乞檢會前
後陳乞宮祠辭免新除樞密使不允不得再有陳請

詔十二月二十五日

卿于役萬里、厥今三年、夷夏稔其風聲、吏民懷其恩信、稽之公望、宜式造衮繡之歸、揆以人情、難久詠裳衣之制、尚惟体國之有素、雖復獨賢而弗辭、乃涉春以來、何移疾之數、旋覩手續、益慨于心、既懇還樞柄之崇、復深羨祠官之逸、豈道之云遠、未承前詔之諄、將礼有弗周、是使歸心之切、首或異此、奚為若斯、朕方知臣下之勤勞、卿蓋念功名之終始、勉符推轂、別佇賜環、所請宜不允。

乾道八年

賜觀文殿太學士左正議大夫知紹興軍府事蔣希

乞檢會前奏除一宮祠不允詔 正月七日

卿自去歲以來、數移病告、環臺間館、朕非有靳于卿也、願會稽輔藩、徒得君重、允可以損公上之須、應州家之用者、請奏朝聞、免符夕下、卿既知之矣、獨不能為朕少番惠此一方乎、昔汲黯多病、臥閭歲餘、而東海大治、卿之啟處、視黯何如、乃必欲還郡、敦邪、所請宜不允。

賜光州觀察使高郵軍駐劄御前武鋒軍都統制兼知楚州陳敏乞除一在外宮觀不允詔 正月八日

將帥貴久任、牧守戒數易、朕于二者方謹守之、卿入總天營、出臨邊閫、厥有動績、著乎兵民、往城于方、久念僕夫之瘁、共武之暇、尚圖王國之安、過爾歸心、体予眷意、

賜侍衛親軍步軍都指揮使宣州觀察使主管殿前司公事王友直乞除一在外宮觀差遣不允詔正月

十八日

朕以卿勁勇絕人、擢司嚴陞、謂當許國、皇恤其他、而未涉三時、維有避嫌之請、朕何賴焉、且進而事君、退而奉親、忠孝之道、可以兩得、求閑雖切、於義難俞、所請宜不允、

賜敷文閣直學士右太中大夫提舉江州太平興國宮方滋辭免知紹興府不允詔正月二十五日

在昔先王采新田之芑、惟時方叔壯元老之猷、我圖牧御之能、亦取踐揚之舊、御器資寬裕、識畧精深、久推改事之才、游履禁嚴之地、安于祠館、鬱乃眷懷、遂荒大東、徃率從于海表、戎有良翰、諒咸喜于邦人、亦既剖符、毋容抗牘、所請不允、

賜虞允文辭免特進左丞相兼樞密使進封華國公加食邑食實封恩命不允詔二月十三日

朕以菲涼尊臨王公士民之上、常惧歲月逾邁、志勤道遠、故妙

簡忠良光輔不逮以卿碩德冠于當世淵謀合乎古人參稽師
虞付以國政內之安百姓外之撫四夷上之調陰陽下之振法
度朕既惟卿之聽卿亦惟力之竭此固朝野所共悉朕心所加
賴也官名肇正就陟上台庶言允諧豈必辭避且大勲未集德
化未成誠當今之急務卿嘗力啓朕矣得不自任以天下之重
紹乃辟于三代之隆乎安分知止蓋中人之事丞相奚為及此
也所辭宜不允

賜梁克家辭免除左正奉大夫右丞相兼樞密使進
封清源郡開國公加食邑食實封息命不允詔

朕之命相可謂不敢輕矣徐觀其事業詳試其謀謨逮夫德望
已崇績效已著則信之不疑任之不貳夫豈偶然而已卿以英
名冠多士精忠簡朕知不出都城遂間兩社其於弥縫廢改辨
察百職功不少矣夫相有左右上應太微之象下存歷代之規
朕意率已屬卿政繇更制而箴號焉非可以譏辭格也若乃張
紀綱變風俗暢國威蘇民力朕固日夜念汝卿既言之則當成
之庶免盡責難之恭而使朕獲任賢之福不亦臣主俱榮哉所
辭宜不允

繳張詭王之奇辭免西府奏

乾道八年二月十六日準御封付院張說王之奇辭免各除
 簽書樞密院事奏劄子並奉御寶批降詔不允臣流落之餘
 蒙陛下收拾按法試實在華近踰一年半矣碌、備位補報缺
 然夙夜慚懼無以自處倘有所見若又不言陛下雖欲赦之
 如衆論何臣竊見昨除張說簽樞舉朝皆日不可陛下欣然
 聽納旋即改命曾未周歲復有此除羣言紛、今猶昔也蓋
 以貴戚預政公私兩失不若坐享高爵厚祿之為安陛下神
 聖固已洞然諒說亦自深曉必理何待臣言也若謂西府當
 間以武臣則願於大將中擇有威望可以運籌折衝者畀之

誰敢異議臣非欲專任文吏也或云緣大臣薦用王之奇因
 而有此並命雖未可信然去年群臣爭論之際傳聞聖諭云
 茲事誠誤以此觀之用說非陛下意不為無據且當是時王
 之奇亦云曾入文字今却與說同升不知之奇以為是耶非
 耶恐亦未當遽受也臣在隆興初與說同侍殿陛近又與之
 奇同在六部情分頗熟素無嫌隙今非樂為仇怨自取擯
 斥蓋義所當言不待不效論思之萬一耳若唐元和間白居易
 易在翰林奉宣草嚴綬江陵節度使孟元陽右羽林統軍制
 皆奏請裁量未敢便撰本朝元祐中師臣避免拜之禮執政

辭遷秩之命蘇軾當撰答詔亦嘗言其不可卒如所請今除用執政非節度統軍拜免遷秩比也臣雖視居易軾無能為役顧職守其可廢哉所有二人辭免不允詔書臣未敢具草取進止

貼黃

臣竊觀國朝有宣徽南北院使班均二府地親秩重文武大臣皆可為之陛下復古制若命討論用以處說尤為優異未審聖意以為然否仰戴恩矜忘其冒昧伏俟誅戮是日聖旨與在外宮觀又有旨令日下出門

賜通奉大夫葉衡辭免差知建寧府恩命乞改除一在外宮觀不允詔九月十七日

卿材資雋明術業闋茂凡所甄擢率繇簡知十年之間遂寘台衮中道而去予心歎然錫之左符與我共理莫宣惠澤庸副眷懷夫當軸於中副政於外小大雖異其可以報主知行所學則一也引疾為解朕何望焉所辭宜不允

賜簽書樞密院事李彥穎辭免除參知政事恩命不

允詔閏九月十日

朕勵志萬微倚成四輔儀圖俊傑對司文武之權迭運鈞樞稽

合祖宗之制政路無曠朝廷自尊卿學富詞雄体莊志裕恂
守道耻求世俗之虛名疊告敵思獲國家之元氣朕選於衆
而知其可用斷於心而任之不疑自亮采於亮庭亶宣勞于旬
歲運籌合意具孚帷幄之謀當軸處中宜贊廟堂之治在旋規
而已審奚固避之能回所辭宜不允

賜翰林學士王淮辭免除端明殿學士簽書樞密院

事恩命不允詔同前

朕寤寐英髦贊襄宥宥非純誠難望何以鎮天下之浮非沉識
訐謨何以定幄中之畫廟勝所繫疇咨敢輕卿德厚秉彝文醇
貫道更歷紹興之言路允謂舊人考觀近侍之詞臣厥惟大手
退食抱委蛇之節浚明宣夙夜之勞念久邑於皇猷宜預裁於
兵柄且積中者多彰於外而自後者人與其先予實汝知政將
焉避毋唯循於冲宇其亟翼於鴻樑

賜資政殿大學士中大夫沈復辭免知大平府恩命

乞除一在外宮觀差遣不允詔閏九月十一日

卿精明殫洽介潔簡廡萬里錫還言授之政而上書祈免至於
三四重違懇側俾殿朱方借日病衰枕當臥理矧無它恙安用
固辭勉佩印章体予眷顧所請宜不允

賜禮部尚書趙雄辭免兼侍讀不允詔曰前

昔元祐中名臣蘇軾以大宗伯進讀於金華拜恩之日首陳六事著在方冊朕甚嘉之卿以蜀莊之珍傳揚雄之學儼相如之文迪簡在庭華問彰徹侍言典禮榮繼前修詩不云乎高山仰止景行行止而又奚遜焉所辭宜不允

賜中大夫參知政事龔茂良辭免修製加上尊號冊寶了畢轉兩官加恩不允詔係禮儀使十一月六日

天以無疆之休敷治我家丕延親壽予曷敢不鋪張揚厲以對

孰
越景況乃仲冬至親帥百辟並崇父母之榮統金石在列冠
劍在庭霽景曠溫群情悅豫歷觀書傳所記蓋未有殊尤絕迹
可比於今者也卿以鴻儒碩望總領衆職淵源復貫既閑習手
禮文陟降多儀又厭服手觀聽進階加邑於理則宜且大典慶
成熟云儼賞自我作古寧問故事若然辭之殆非肱股喜哉之
誼也

賜參知政事龔茂良上表再辭免禮儀使轉兩官恩

宜命重允詔十一月八日

鑊玉揚徽慶太上歷年之永連珠告瑞適仲冬朔旦之臨天人

協應以在茲家國均休而未艾眷言近弼實贊昌期予欲新曠
古之禮則汝明初欲展事親之儀則汝翼予欲播乾安坤安之
樂於金石則汝聽予欲形天大地之功於典冊則汝為底績
居多遷官匪過而乃力避便蕃之寵面陳確至之言謂將豫扼
於泛恩豈必曲從於前比先勞後祿素加儒行之優下濟上行
滋嘆護光之美方共由於此道姑勉狗於乃成所請宜不允

臣契勘故事在京臣僚上表辭免恩命若不允則降批荅
今未參知政事龔茂良辭免禮儀使轉兩官恩命奉御室
批荅所請宜允若依故事只當降詔臣今撰述書寫進入

合依例請寶下本院給賜伏乞睿照

賜叅知政事李彥穎辭免書撰冊文轉一官不允詔

同前

內則父子外則君臣人之大倫也今者太上以仁聖綏壽遐朕
以孝敬極尊崇天人和同福祿並應父子之道備矣元首股肱
相須成體則於君臣之際可不共其光榮乎卿以名世之儒久
儀廊廟討論鉅典被飾厥文所謂嚴樂之筆精潤文之墨妙蓋
兼之矣用是進秩不為無名况朕真卿四輔之列資卿萬幾之
事寵章歲數未嘗有斬而獨愛此一官乎所請宜不允

賜端明致學士簽書樞密院事王淮辭免篆寶轉一
官不允詔

朕登進輔臣周旋帷幄既不以一善為最又不以考績而陟若
乃國有大慶共其寵光則異教攸加群臣莫望斯名位之辨等
威之制也屬者備物典冊增尊稱於德壽閣休偉績振古未有
濟多士咸以列侍為榮時知名儒服在驅近允資鴻筆載琢
斯章慶澤之行當繇貴始蓋有非常之功者必因夫非常之事
有繁然之文者必濟以懽然之恩典禮所關御固不得而獨避
也所辭宜不允

賜參知政事李彥穎上表再辭免撰冊文轉一官恩

命宜允詔十一月十一日

昔大中祥符間執政王欽若陳堯叟皆以製述封祀直頌之功
超進顯秩載在國史有榮耀焉今朕修稀世之濶典加大上之
顯號而卿以高文大冊發揮盛猷是用倣章聖舊規循乾道近
比進階四品庸答儒效而免章沓至陳義益高謂朕方策勵事
功愛惜名器而身參機政宜率搢紳夫遜禮之主也護德之柄
也大臣如此足勸多方豈以一官易茲二美敬從雅志良極歎
嘉所請宜允

賜端明殿學士兼書樞密院事王淮上表再辭免篆
寶轉一官恩命且允詔同前

朕觀易之象曰勞謙君子萬民服也詩之雅曰行歸于周萬民
所望夫辭受明于上則廉遜興於下豈不所操者約而所利者
博哉●朕茂輯曠儀衍榮親之號而卿實聯政路宣秉筆之勞
越進文階將侈邦家之慶不獨示卿之寵而已顧乃游形冲避
且以名器為言蓋大臣者民之表也故范宣子遜而其下皆遜
是可化民成俗矣朕雖欲不聽得乎所請宜允

賜資政殿大學士中大夫知建康軍府事劉珙辭免

起發本府教閱軍回兵特轉一官許回授不允詔十

一月十二日

卿名高九牧任重十連馭軍馳整暇之聲体國得忠勤之誼歌
周詩而遣戍既有成勞馳溥壽以賞功可無異數故進階所以
勸諸道而申命所以優大臣人皆曰然卿尚何避

賜奉國軍節度使殿前副都指揮使王友直乞除一
在外宮觀不允詔十一月十六日

四牡之詩曰王事靡盬不遑將母也群臣宣勞于外懷歸之辭
也今卿以將帥之才為朕倚信擢居環尹閱歲滋深夙與殫衛

上之勞退食享奉親之樂忠與孝寧庶兼資尚勉勵之有加立功名其未晚所請宜不允

賜龔茂良辭免差權提舉編修玉牒不允詔十一月

十八日

周用中士奠繫世漢晉命九卿典屬籍唐開成以玉名牒至與史冊並驅是豈古今異輒哉法寢久而益彰官隨時而愈重故也況我國家發祥云遠祖功宗德視昔有光文昭武穆與天無極則夫創寶藏之殿設纂修之官總于柄臣理固當爾○卿以經世之學華國之文參調化元秉德蹈義兼領斯事蓋優為之豈以約史定令而廢宏綱之舉乎亟其欽承毋格成命

賜李彥穎辭免差權提舉國史院實錄院編修國朝

會要不允詔同前

信史垂後世之法類書裒當時之事皆大典也今自熙寧迄靖康有六十年未備之史則筆削不可以不嚴絲建隆暨紹興有八百編已成之書則會粹不可以不續雖討論屬之諸彦而量正資吾輔臣卿學該古今文有師法翊我梳務言忠謨嘉舉茲以旃何職弗濟顧豈不能據三長以總太史之任乎其趣汗青世以遜避為也

賜降授朝大夫權吏部尚書兼詳定一司勅令蔡沆
辭免經修進吏部七司法轉一官恩命不允詔十二

月十六日

太宰以灋待官府之治其未久矣卿以名德之裔簡于朕懷擢
長天官實兼議令用詩書而輔法律蓋有家學存焉逮此奏篇
灼知勤勩進階一等時乃故常夫手定章程職居銓綜制而用
之謂之法既已與聞推而行之謂之通固將有望抗章避寵其
可曲從所請宜不允

賜文殿太學士銀青光祿大夫知福州軍州事陳俊

卿辭免起筴禁軍士兵轉一官仍許回授不允詔十

二月二十一日

朕唯灋等其功周勲以懋賞延於世舜德斯隆茲酌用于前規
庸申哀于舊相卿久儀槐棘告惟幄之謀重鎮粉榆底藩維之
績觀調兵之如約知制閫之宣勞增秩有差雖抵營屯之教移
恩無間則隆體親之私毋守一謙亟共再命所辭宜不允

賜安慶軍承宣使提舉德壽宮張去為辭免該遇德

壽宮度典轉三官依條回授恩命不允詔十二月二

十四日

天錫^大上純嘏眉壽無有害乃立春氣應歲盛禮于宮掖肆大
青於中外若時左右謹信之臣實宣夙夜奉侍之力予維寵加
之蓋度澤之行職親者在所先歲久者後其厚古今之通誼也
又何疑焉所辭宜不允

賜少保岳陽軍節度使元萬壽觀使永陽郡王居廣
辭免加食邑食實封不允詔十二月二十五日

唐乾元間既加案太上聖皇之號因肆青中外三品而上賜壽
有差今朕舉稀國之典慶君親之壽甲午制書惟惠甚遠位隆
屬近顧反不及耶增衍封租良不為過尚何遜避之有所辭宜
不允

繳奏沈復辭免度壽加息不合降詔四月

自此卷四頁
任卷第七頁
任卷末尾

今日十一月十一日準御寶封付下資政殿大學士中大夫知鎮

江軍府事沈復辭免該遇大上皇后度壽赦^書加食邑奏

劄一道奉御寶批降詔不允當院伏見近降指揮因度壽

合該加息官止降制給誥並免辭免後來自使相執政以

下並已遵行今來沈復竊恐合依前項指揮更不降詔緣

此未敢便行具草進入如合聖意乞許本院一面諮奏尚

書省劄下沈復照會伏取進止奉御筆批依

賜敷閣直學士中奉大夫提舉江州太平興國宮張
津辭免知建寧府恩命不允詔

卿精明強濟練達恪勤更歷六卿夙高朝望周旋數郡屢考民
功載錫之符徃臨閩服蓋用人莫如求舊擇守莫如已試古之
道也又何遜焉所請不允

賜慶軍節度使知荆南軍府事充荆湖北路安撫使

楊佖乞畀祠祿不允詔

昔我祖宗擢任邊帥近者十年久或倍之固未嘗踰歲而聽其
去也卿選自菁惟鎮臨荆渚單竭智慮予心載寧今軍容壯矣
不可以棄爾成民俗安矣盍有以善其後奚為引疾願上印章
詩不云乎夙夜匪解虔共爾位朕固不忘幹方之績也所請宜
不允

賜敷文閣直學士中奉大夫陳彌作辭免提舉江州

太平興國宮恩命不允詔

朕惟卿庶介疆明久更任使乃身雖外念之不忘又惟卿壽齒
浸高闕勞以事故推祠祿即拜于家優禮近臣庶免兩待胡為
避寵遂欲掛冠語知止則可矣在休國則未也尚致予命時
告遠猷所請宜不允

賜奉議郎試尚書吏部侍郎趙粹中乞除郎不允詔
朕旁招衆賢穆布在位豈容法從輕去周行卿負卓絕之才而
濟以文躬端莊之操而歸於厚久膺殊獎升冠貳卿方藉論思
寧拘更迭昔畢公乃心王室而望之雅意本朝何卿之言獨異
于是忽思為郎之樂益懋敬王之心所請宜不允

賜安慶軍承宣使提舉德壽宮張去為辭免特轉一
官聽回授不允詔

事親之樂與天無窮惠下之恩曷日而已故屬者方慶慈極萬
年之壽而茲今復稽宮庭五載之勞眷言審理之舊人首被褒
優之異敷理無可避徃肅而承所辭宜不允

賜觀文殿太學士銀青光祿大夫知福州陳俊卿乞
檢會前奏除一在外宮觀差遣不允詔六月十八日

此覽陳言願從祠秩置書徃報桑蔭未移奚守一謙乃動再請
惟帥藩之永代須封奏之有辭非公家之務困于劇繁則私室
之誠從而休迫今卿重臨樂土實摠故鄉事簡政清不必牛羊
之參閭疆連壤接是惟鷄犬之相聞加齒髮之未衰且士民之
方信世念浮丘之袂姑榮翁子之衣所請宜不允

賜中大夫提舉江州太平興國宮姚憲辭免差知太

州恩命乞且令依舊宮觀不允詔七月七日

牛渚而上有名郡焉俗微而人淳奉優而事簡中興以來間起
執政舊臣為之守所以重蕃宣輟眷理也卿頃繇才望參柄事
樞去位二年靡忘簡往適茲調守亟以命之趣駕朱轡世違朕
命所辭宜不允

賜隨龍延福宮使保信軍承宣使提舉佑神觀李綽

辭免落階官除正任承宣使不允詔九月七日

朕念潛藩舊人存者無免故雖中涓之屬執御之臣每示恩榮
以昭予意而況久司宮闈省勤恪有聞退處祠庭安恬無咎如

汝綽者乎是固朕心所不能忘也正其使範假寵甚優徃休養
懷毋為斲避所辭宜不允

賜趙白圭上表再辭免除開府儀同三司充萬壽觀

使進封天水郡開國公食邑食實封恩命不允不許

再有陳請詔十月十六日

漢以外戚車騎將軍鄧騭儀同三司官名之立實基于此元豐
而後尊禮天屬多由節越進領斯任親賢蕃衛王室古今
一也卿高明弗抗和易不流幾歷庶僚貴名日起躋登顯服華
問益昭班視袞章象參台曜人以為允朕何敢私遜避之言固

非矯激遂欲反汗不其難乎所辭宜不允不得再有陳請

賜武軍節度使捧日天武四廂都指揮使右金吾衛

上將軍吳拱辭免除侍衛馬軍都指揮使恩命不允

詔十月二十七日

國家革駢騎於羽林總以一帥雖副貳虞度之名不輕畀付而

况極其使領侍重可知卿鷙勇沉雄立號山西之良將忠實詳

練嘗典紹吳之禁旅召從蜀道實在環列固欵用之也會茲謀

帥首及舊人卿而不宜誰其宜也不允辭

玉堂類稿卷第六 周益文忠公集一百六

賜臣僚請免詔二

乾道七年

賜草劉瑛三上劄子辭免起復恩命乞早賜抽還中

使徐偁不允不得再有陳請詔六月二十三日

朕乃者起卿以西樞付卿以上流手札丁寧馳遣贊御所以示

必用者盖有三說軍旅為今重事理可奪情公侯以國為家義

難有已一也維乃祖父忠賢有聞何以似之莫如移孝二也卿

比鎮荊州按行襄漢觀模甫定未迄于成今不能強起孰卒吾

以下四頁
錯訂
卷上第
六卷尾

事三也而卿連章累牘不過以名教為疑夫無故而自請短喪
宰予所以獲罪有為而腰經服事閔子所以合禮漢儒之傳寧
無據哉且本朝特起故事非但執政而已文翰近臣如王禹偁
楊億輩皆不得已勉其上舍當是之時中外豈不綏靜彼二臣
者學識豈不高明知在于今尤難執一亟承委重之意毋蹈辭
難之嫌所請宜不允

賜觀文殿大學士左光祿大夫知福州陳俊卿再辭
轉官不允詔六月二十四日

勅俊卿省所劄子奏再辭免收捕海賊特轉一官恩命事具悉
卿夙推德望嘗翊乾合豈必計功而後增秩顧朕方大明黜陟
砥厲中外卿於此時宣國威靈俾海道肅清姦寇究懲艾厥績茂
焉進階一等倡吾九牧匪直為卿寵也書不云乎德懋懋官功
懋懋賞朕惟兼用卿復何辭宜不允不得再有陳請

賜草工劉珙允詔七月八日

勅劉珙省卿四上劄子辭免起復恩命乞檢會前奏抽還中使
徐偁事具悉朕詠詩之雅有常德以立武事觀易之象除戎器
以戒不虞用是起卿則奪情之典初未為過而璽書屢下懇避
益確重以疾諗諒非飾辭夫暴秋陽事道路使卿或憊調護

之節寧不剛哉心乎悅聽終喪朕固靡忘於眷注也所請宜允

賜右朝散郎權尚書吏部侍郎王之奇辭免落權字

不允詔七月十三日

勅之奇所奏辭免除吏部侍郎恩命事具悉維乃先正甚文且武中興盛際蔚為名臣閱縉謹施元身遽沒余慶所積在其後人卿洪毅精明力紹家學發揚普詡服于禁淫典銓未免人以為允因能而任就正二卿成命已行當仁何避所請宜不允

賜侍衛親軍步軍都指揮使宜州觀察使主管殿前

司公事王友直乞宮祠不允詔七月十三日

勅友直省所奏乞除一内外宮祠事具悉朕於將帥審擇之信任之政不輕以一毀一譽也卿拱護嚴巖未再閱月何嫌何疑而遽求去夫奉法後事公爾忘私行之有常人則誰怨姑安爾位毋咈朕心所請宜不允

賜左朝散郎致仕巫伋倅倅免復龍圖閣學士恩命不

允詔八月九日

朕乃者躬欵泰壇備成熙事德洋恩普徧于遠邇唯時共政之舊告共之臣固不可以一背遺也倅加祕職悉洗冊書夫身在林泉之間而名冠西清之籍寵章隆厚足耀垂車毋或固倅亟

承帝社所請宜不允

賜觀文殿學士左通議大夫提舉臨安府洞霄宮汪
徽乞守本官職致仕不允詔九月七日

卿重厚有常直方居簡進服廊廟謀猷允臧出臨藩維政事罔
缺奉祠養疾昔不得已而聽之今乃辭祿未及之年在卿止足
之計則善矣獨不体朕眷之老成之意乎勉思自持毋或它慮
所請宜不允

賜降授左中奉大夫劉章錚免除顯謨閣學士恩命

不允詔九月二十七日

進而攝常伯退而直西清此故事也至于加峻職越舊班則絕
無而僅有焉日者首賁黃中之歸今復用是榮卿之去非以二
老嘗從我於潛藩乎惟卿文學之優志氣之裕正唯齒宿上可
告猷而曲析眷番莫回稚意光華均秩尚尉我心伐木之序不
云乎不遺故舊則民德歸厚矣敬体優禮毋為遜辭所請宜不
允

賜太尉昭信軍節度使致仕曹勛錚免落致仕提舉

皇城司恩命不允詔九月三十日

知止者臣子之誼用舊者人君之仁卿祗事兩朝視儀二府初

終無玷忠謹有聞昔聽其歸既彰泮尚全還以位庸示眷懷亟
彈已掛之冠勉竭未德之力所請宜不允

玉堂類稿卷第六
賜臣僚請免詔三
淳熙三年
傳
王賈人詔正月十四日
延拜公孤具存故事蓋將涓選穀旦端委御朝擬金石旅
而後命之所以辨等列隆威儀也惟茲禮不講為日已久庶因
太上非常之慶褒錫宗室之女使在庭之士有榮觀焉胡為抗
章力斲新寢免易不云乎勞謙君子有終吉勉從冲守尚永迪

玉堂類稿卷第七

周益文忠公集一百七

賜臣僚請免詔三

淳熙三年

傳

王賈人詔正月十四日

延拜公孤具存故事蓋將涓選穀旦端委御朝擬金石旅

而後命之所以辨等列隆威儀也惟茲禮不講為日已久庶因

太上非常之慶褒錫宗室之女使在庭之士有榮觀焉胡為抗

章力斲新寢免易不云乎勞謙君子有終吉勉從冲守尚永迪

章力斲新寢免易不云乎勞謙君子有終吉勉從冲守尚永迪

章力斲新寢免易不云乎勞謙君子有終吉勉從冲守尚永迪

壽社之榮所請宜允

賜武康軍節度使捧日天武四廂都指揮使提舉隆

興府王隆萬壽宮吳拱辭免召赴行在不允詔

卿深練武經克承世美久摠師子之任比膺齋越之榮固宜修

王覲之恭奚可遂家居之樂况朕每聞于鼙鼓必念將臣如卿

雖遠于江湖寧忘魏闕益思此義載疾其驅所辭宜不允

賜皇子雄武保寧軍節度使開府儀同三司判明州

軍州事兼沿海制置使魏王愷免加食邑食實封不

允詔

朕唯太上皇帝盛德大業冠映往初眉壽隆名綿延億載乃甲

午詔書推慶澤于中外者博矣而况位重真王任隆分陝恩恩

所宜先也書不云厚身其康疆子孫其逢吉尚孫焉所辭宜

不允

賜皇子魏王愷再上表辭免加食邑食實封恩命不

允不得再有陳請詔

奉萬歲之觴歲盛儀于東內封三錢之府均大賚于多方念賢

王遠臨重鎮乃首敷于邗渙俾增入于戶租非獨示親之思

亦將明貴之誼是固兩得奚為屢辭所辭宜不允不得更有

陳請

賜龍圖閣學士承議郎提舉江州太平興國宮胡銓
辭免檢舉磨勘指揮恩命乞檢會前後累奏許休致
不允詔二月九日

卿蚤持重論負九牧之名晚釋群經得先儒之旨養恬真館冠
職西清息章所加度越諸老惟是階秩以稽勞能而卿周旋議
卽殆四十載使踵常塗而序進尤當取甘茂之十官況由禁路
以陟明蓋屢計成之三歲寧容廉退獨不舉行削牘以辭旣非
所望遂欲致君事而去是豈乃心王室之誼哉所請宜不允

賜趙伯圭上表再辭免除安德軍節度使提舉隆興
府玉隆萬壽宮任便居住加食邑食實封恩命不允
不得再有陳請詔二月十八日

朕以授鉞專征之任寵綏同姓可謂不敢駐矣旣稟太上之
命又稽祖宗之制又協卿士大夫之議然後出節少府讀命
大庭如渙汗馬何可回也矧卿忱恂肅愨是以承寧方鎮端莊
信惠足以翼衛王家政倚宗疆毋勞謙昭所辭宜不允不得再
有陳請

賜端明殿學士朝奉大夫簽書樞密院事王淮辭免

國史日曆所修進太上皇帝日曆經修不經進特轉
行一官依例加恩命不允詔

朕述中興三十六載之政事備太上億萬斯年之觀覽進讀之
日慈顏悅豫臣庶呼舞惟時慶賞當與大臣共之矧卿早被簡
知雍容樞掾編摩時政與有力焉其當賞一也拾遺諫省言聽
計從阜囊所陳備載于冊其當賞二也粵朕初載實為少令總
領諸彥纂修成書其當賞三也有是三者予惟汝嘉進階加邑
初不為過又何以遜避為哉所辭宜不允

賜朝奉郎試禮部尚書趙雄辭免經修太上皇帝

日曆特轉行一官恩命不允詔

惟我聖父聰明文思光宅天下而遜于位闕休條績布在簡牘
視堯典若合符節乃吾日辛亥陳儀展采尊奉于大庭此固三
代兩漢以來不可得而見者孰若吾身親見之哉卿昔以敏識
英詞秉筆于東觀今以洽聞殫見總議于南宮俾是書克成而
祀容無爽者卿與諸儒助朕之力也進官一列實侈榮曠其懋
承之母勞固避

賜資政殿太學士中大夫知鎮江軍府事沈復乞除
一在外宮觀差遣不允詔

朕夙宵念伯常惠二千石不皆得人使吾德澤不下流民隱不
上達方詔在位雜舉循良之吏而卿以唯喔近臣典服眩名郡
茲固朝廷所皆賴四方所則効者也曾未半歲日需改成豈因
虧瘍遂欲永去假樂之詩曰百辟卿士媚于天子不懈于位民
之攸暨此言畿內諸侯愛君勤職斯民所由休也勉遵古誼
倡率庶邦稱朕意焉所請宜不允

玉堂類稿卷第七

